

帝王宅京記



歷代帝王宅京記卷之十七

開封

大梁

崑山顧炎武寧人氏錄



五代史職方考曰汴州唐故曰宣武軍梁以汴州為開封府建為東都後唐滅梁復以宣武軍晉天福三年升為東京漢周因之

後梁

冊府元龜曰太祖開平元年夏四月戊辰升汴州為開封府建東都是月制宮殿及都門名正殿為崇元殿東

殿為玄德殿內殿為金祥殿萬歲堂為萬歲殿門如殿  
名大內正門為元化門皇牆南門為建國門滴漏門為  
啟運門下馬門為升龍門玄德殿前門為崇明門正殿  
東門為金烏門西門為玉兔門正衙東門為崇禮門東  
偏門為銀臺門宴堂門為德陽門天王門為賓天門皇  
牆東門為寬仁門浚儀門為厚載門皇牆西門為神獸  
門望京門為金鳳門宋門為觀化門尉氏門為高明門  
鄭門為開明門梁門為乾象門酸棗門為興和門封丘  
門為含耀門曹門為建陽門升開封浚儀為赤尉氏封

丘雍丘陳留為畿縣

五月改文思院為乾文院同和院為佐鸞院

二年秋七月甲午以高明門外繁臺為講武臺是臺西  
漢梁孝王嘗按歌闋樂于此當時因名曰吹臺其後有  
繁氏居于其側里人乃以姓呼之時代綿寢雖官吏亦  
從俗焉帝登眺蒐乘訓戎宰臣以是奏而名之

三年春二月以滑州酸棗縣長垣縣鄭州中牟縣陽武  
縣宋州襄邑縣曹州戴邑縣許州扶溝鄆陵縣陳州太  
康等九縣割屬開封府仍升為畿縣

秋七月改章善門為左右銀臺門其左右銀臺門却改為左右興善門  
冬十一月改乾文院為文思院行從殿為興宅殿弓箭庫殿為宣武殿球場為安球場

### 後唐

冊府元龜曰後唐莊宗同光元年冬十二月壬申汴州偽庭所立殿宇諸門並去脾額復本名其宣武軍額置于咸安門所在宮苑即充行宮應有不合安鷓吻處並可去之

### 後晉

晉高祖天福二年夏五月丙辰以汴州行宮為大寧宮三年冬十月丙辰詔升汴州為東京置開封府仍升開封浚儀兩縣為赤縣餘升為畿縣

三年冬十月庚辰詔曰為國之規在于敏政建都之法務要利民歷考前經朗然通論願惟涼德獲啟丕基當數代戰伐之餘是兆庶傷殘之後東徙既廣帑廩咸虛經年之輓粟飛芻繼日而勞民動衆常煩漕運不給供須今汴州水陸要衝山河形勢乃萬庾千

箱之地是四通八達之郊爰自按巡益觀宜便俾升  
都邑以利兵民汴州宜升為東京開封府時所管屬  
縣並可仍舊割屬收管亦升為畿縣其洛京改為西  
京雍京改為晉昌軍

丁亥詔改大寧宮門為明德門又改京城諸門名南門  
尉氏門薰風為名西二門鄭門梁門以金義朝明為名  
北二門酸棗封丘以玄化宣陽為名東二門曹門宋門  
以迎春仁和為名

四年春二月改東京玉華為永福殿

三月己卯改明德殿為滋德殿以宮城南門同名故也  
五年秋九月戊子改東京上源驛為都亭驛

後漢

漢高祖天福十二年六月戊辰詔曰浚都重地汴水名  
區控襟帶于八方便梯航于萬國眷言王氣允稱皇居  
其汴州宜仍舊為東京

後周

周太祖廣順元年夏六月以唐都長安時京城等門比  
定今東京諸門薰風等為京城門明德門為皇城門啟

有竹齋  
運等為宮城門昇龍等為宣門崇元等為殿門

二年春正月詔開封府修補京師羅郭率府界丁夫五萬五千版築旬日罷

冬十月置弘文館史館集賢館于厚載門內向東橫街  
東北

通鑑曰廣順三年帝欲祀南郊以自古以來郊祀常在洛陽疑之執政曰天子所都則可以祀百神何必洛陽於是始築圓丘社稷壇作太廟于大梁

世宗顯德二年夏四月乙卯詔曰惟王建國寔曰京師

度地居民固有前作東京華夷臻湊水陸會通時向隆平日增繁盛而都城因舊制度未恢諸衛軍營或多窄隘百司公署無處興修加以坊市之中邸店有限工商外至億兆無窮僦貸之資增添不定貧闕之戶供辦寔艱而又屋宇交連街衢湫隘入夏有暑濕之苦居常多烟火之憂將便公私須廣都邑宜今所司于京城四面別築羅城先立標幟候冬末春初農務閒時即量差近甸人夫漸次修築春作總動便令放散如或土功未畢則迤邐次年修築所冀寬容辦集今後凡有營築及興

置宅竈并草市並須去標幟七里外其標幟內候官中  
擘畫定街巷軍營倉場諸司公廩院務了即任百姓營  
造

三年春正月戊戌發開封府曹滑鄭州之民十餘萬築  
大梁外城

三年夏六月癸亥詔曰輦轂之下謂之浩穰萬國駿奔  
四方繁會此地比為藩翰近建京都人物喧闐閭巷隘  
陋雨雪則有泥濘之患風旱則多火燭之憂每遇炎蒸  
易生疫疾近者開廣都邑展列街坊雖然暫勞永成大

利朕昨自淮上迴及京師周覽康衢更思通濟千門萬  
戶庶諧安樂之心盛夏隆冬倍減寒溫之苦其京城內  
街道濶五十步者許兩邊人戶各于五步內取便種樹  
掘井修蓋涼棚其三十步以下至二十五步者各與三  
步其次有差

五年夏五月賜東京新城諸門名在寅曰寅賓門在辰  
曰延春門在巳曰朱明門在午曰鳳凰門在未曰畏景  
門在申曰迎秋門在戌曰肅政門在亥曰玄德門在子  
曰長景門在丑曰愛景門改大內東偏舊賓天門為通

苑門又以京城東新修驛為懷信驛以待江南貢使焉  
四年夏四月修永福殿

恭帝顯德六年冬十二月改萬歲殿為紫宸殿已下要考宋史

抄本入紀

### 宋

### 宋京城

按宋史地理志舊城周迴二十里一百五十五步東二

門北曰望春初名和政南曰麗景南面三門中曰朱雀東曰

保康大中祥符五年創造西曰崇明西二門南曰宜秋北曰闔闔

北三門中曰景龍東曰安遠西曰天波已上宋初仍梁

興國四年改今名新城周回五十里一百六十五步大中祥符

元豐元年重修政和六年詔有司度國之南展築

德三年築王應麟地理通釋曰東京開封府舊城唐

建中初李勉築本朝曰關城亦曰裏城新城周顯德三

年韓通築本朝曰國城亦曰外城以其土南三門中曰

南薰東曰宣化西曰安上東二門南曰朝陽北曰含輝

太中興國四年改寅賓後復西二門南曰順天北曰金輝北四門中

曰通天天聖初改東曰長景次東曰永泰西曰安肅初

衛州門以上皆因周舊名汴河上水門南曰大通  
太平興國



四年賜名天聖初北曰宣澤舊南北水皆曰大汴河下

南曰上善北曰通津天聖初改廣津惠民河上曰普濟

下曰廣利廣濟河上曰咸豐下曰善利舊名咸通上南門曰

永順熙寧十年賜名其後又有金輝門南置開遠門舊名通遠

平興國四年賜名其濠曰護龍河闊十餘丈濠之內外

皆植楊柳粉墻朱戶禁人往來城門皆甕城三層屈曲

開門惟南薰新鄭新宋封丘正門皆直門兩重以

路金元以下多湮塞舊有十三門南曰南薰陳州戴樓

東曰新宋揚州新曹西曰新鄭萬勝固子北曰陳橋封

丘新酸枣衛今道路所通者惟曹鄭陳州揚州南薰固

子封丘七門耳固或作垆非也

宋朝會要曰自朱梁建都以汴州為東京皆因藩鎮

舊制但改名額而周顯德初始廣新城周回四十八

里二百二十三步

趙德麟侯鯖錄曰舊城周回二十里一百五十五步

即汴州城唐建中二年節度使李勉重築國初號曰

闕城亦曰裏城新城乃周世宗顯德二年四月詔別

築新周回四十八里二百二十三步號曰外城又曰

羅城亦曰新城元豐中裕陵命內侍宋用臣重築之  
宋敏求東京記曰周世宗顯德二年四月詔京城四  
面別築羅城三年正月發京畿滑鄭曹之民命薛可  
言等督之仍命韓通總其事王朴經度凡通衢委巷  
廣袤之間皆朴定其制踰年而成神宗熙寧中始四  
面為敵樓作甕城及濬治濠塹

周密癸辛雜志

汴之外城周世宗時所築宋神宗

又展拓之其高際天堅壯雄偉南關外有太祖講武  
臺周美成汴都賦形容盡矣梁王鼓吹臺徽宗龍德

宮舊址尚在

岳珂程史

開寶戊辰藝祖初修汴京大其城址曲

而宛如蚓蝕焉耆老相傳趙中令鳩工奏圖初取方  
直四面皆有門坊市經緯其間井井繩列上覽而怒  
自取筆塗之命以幅紙作大圈紆曲縱斜旁注云依  
此依築故城即當時遺蹟也時人咸罕測多病其不  
宜于觀美熙寧乙卯神宗在位遂欲改作覽苑中收  
豚及內作坊之事卒不敢更第增埤而已及政和間  
蔡京擅國亟奏廣其規以便宮室苑囿之奉命宦侍

董其役凡周旋數十里一撤而方之如矩墉堞樓櫓雖甚濠飾而蕩然無當時之堅樸矣一時迄功第賞侈其事至以表記兩命詞科之題槩可想見其張皇也靖康胡馬南牧粘罕斡離不揚鞭城下有得色曰是易攻下令植砲四隅隨方而擊之城既引直一砲所望一壁皆不可立竟以此失守藝祖沉幾遠睹至是始驗宸筆所定圖宋承平時藏於秘閣今不復存和維愚見紀忘汴之外城門名各有意義如云鄭門以其通往鄭州也如云酸枣門以其通往延津即

舊酸枣縣也其固子門未知其義近閱宣和遺事應載上清寶籙宮成浚濠水深三丈東則景龍門橋西則天波門橋二橋之下壘石為固引舟相通而橋上人物往來不覺又郡城沿革云西面門從南曰順天門俗名龍門次曰利澤水門汴河自此入城次北曰開遠門又名萬勝門次北曰金輝門俗名固子門歐陽公歸田錄亦云飲于固子橋然則以壘石為固而名其橋因以名其門也周禮掌固之職掌修城郭橋渠之固以為固所依阻故曰固或曰固作顧視也汴

城卧牛之形北視黃河為子而子不敢來害其母此臆度之說無所據

今省城即宋之舊裏城周回二十里一百九十步高三丈五尺國朝洪武初重築外包以墉門五東曰麗南曰南薰西曰大梁北曰安遠東北曰仁和外建月城上各建樓其西舊名望京角樓四啟臺八十四窩鋪八十三東西南門甕城內皆有漢壽亭侯廟而北門甕城內則玄帝廟也皆近時建

### 宋大内宮室

宋史地理志曰東京汴之開封也梁為東都後唐罷晉復為東京宋因周之舊為都建隆三年廣皇城東北隅命有司画洛陽宮殿之制按圖修之而皇居始壯麗矣雍熙三年欲廣宮城詔殿前指揮使劉延翰等經度之以居民多不欲徙遂罷宮城周回五里南三門中曰乾元宋初依梁晉之舊名曰明德太平興國三年改丹鳳大中祥符八年改正陽明道二年改宣德雍熙元年改今名全唐詩話今東京皇城乾元門舊宣武軍鼓角樓也節度使王彦威有詩刻石在其上後梁氏建國其石不東曰左掖西曰右掖東西面門曰東華西華舊名寬仁神獸開寶三年改今名熙北一門曰拱宸舊名玄寧十年又改東華門北曰諺門

祥符五年改今名熙寧十乾元門內正南門曰大慶東

西橫門曰左右升龍左右北門各二門曰左右長慶

改曰左右長慶隔左右銀臺東華門曰左承天祥符六年

賜名大中祥符六年正月天書降西華門內一門曰右

承天左承天門內道北門曰宣祐八年改大寧明道元

今年改正南門內正殿曰大慶東西門曰左右太和

宋初曰日華月華大正衙殿曰文德宋初曰文明雍熙

中祥符八年改今名大慶殿舊名崇元乾德四年重修

曰左右勤政明道大慶殿舊名崇元乾德四年重修

元大中祥符八年改天北有紫宸殿舊名崇德明視朝

之前殿也西有垂拱殿舊名長春明常日視朝之所也

次西有皇儀殿開寶四年賜名滋福又次西有集英殿

舊名廣政開寶三年曰大明淳化間曰含光大宴殿也

殿後有需雲殿舊名玉華後改瓊東有昇平樓舊名紫

元年宮中觀宴之所也宮後有崇政殿舊名簡賢講武

改今名熙寧間改閱事之所也殿後有景福殿西有殿

北向曰延和便坐殿也北中祥符七年建後苑東門泊

殿明道元年改端凡殿有門者皆隨殿名宮中又有延

明二年改今名

慶舊名萬歲大中安福觀文舊名集聖明道二年改清

景慶雲玉京等殿壽寧殿清景明道元年改延春閣舊名萬春寶元元年

改福寧殿即延慶明道元年改東西有門左右昭慶觀文殿西門

曰延真其東真君殿曰積慶前建感真閣又有龍圖閣

下有資政崇和宣德述古四殿天章閣下有群玉藻珠

二殿後有寶文閣即壽昌閣慶閣東西有嘉德延康二

殿前有景輝門後苑東門曰寧陽即宣和明苑西有

崇聖殿太清樓其西又有宣聖化成即玉宸明金華

西涼清心等殿翔鸞儀鳳二閣華景翠芳瑤津三亭延

福宮有穆清殿延慶殿北有柔儀殿初有殿無名章獻

道元年改寶慈景崇徽殿有欽明殿舊名天和明道元

年改今名延福宮北有廣聖宮天聖二年建名長內有

太清玉清冲和集福會祥五殿建流盃殿于後苑明道

八月修文德殿成是夜禁中火延熾崇德長春滋福會

慶崇徽天和承明八殿命宰相呂夷簡為修葺大內使

樞密副使楊崇勳副之發京東西京河北淮南江東西路

工匠給役內出乘輿物左藏庫易緡錢二十萬助其費

以故改又有慈德殿楊太后所居景觀稼殿在後苑觀

二年延義閣在崇政通英閣在崇政殿西南蓋侍臣講

卷十七

七

慶壽宮保慈宮

熙寧二年

王華殿

在後基春殿

熙寧元年

後睿思殿

八年承極殿

元豐三年

崇慶隆祐二宮

元祐元年

睿成宮

紹聖二年賜名宮

宣和殿

在睿思殿後其東側別有

小廢曰凝芳其西曰瓊芳前曰重熙後曰環碧元符三年

之聖瑞宮

因以太妃所居

顯謨閣

元符元年建中靖國元年改曰御

熙明尋玉虛殿

初建符

玉華閣

宣和殿

親蠶宮

元祐元年

建燕寧殿

慈延聖光

獻皇奉安仁宗

延福宮

政和三年春新

凡辰門外舊宮在後苑之西南今其地乃百司供應之所

次曰僧寺兩軍營而作新宮為始南向殿因宮名曰延福

澤宮左復列三位其殿則有穆清成平會寧睿謨凝和

崑玉群玉其東閣則有蕙馥報瓊燔菴春錦疊瓊芬芳

有繁英雪香拂雲偃蓋翠葆鉛英雲錦蘭薰摘金其西閣

清陰秋香叢玉扶玉絳雲會寧之北疊石為山上有

其高踰三百一十尺閣之側為殿二曰玉英曰玉澗其

背附城築土植杏名曰杏岡覆茅為亭修竹萬竿引流

其下宮之右為佐閣曰宴春廣十有二丈舞臺四列

山亭三峙鑿圓池為池跨海為二亭架石梁以升山亭

曰飛華橫度湖中作隄以接亭隄中作梁以通湖梁之

又疏泉為湖湖中作隄以接亭隄中作梁以通湖梁之

後又跨舊城修築延福第六位跨城之外浚深者  
水三尺東景龍門橋西天波門橋二橋之下疊石為固  
引舟相通而橋上人物外自通行不覺也景龍江北有龍  
其後又闢之東過景龍門至封丘門及作景龍江  
德宮初元符三年以懿親宅潛邸為之壺春臺絕岸  
夾岸皆奇花珍木殿宇比比對峙中塗曰壺春臺絕岸  
至龍德宮其地歲時次第展拓後盡都城一隅焉名曰  
擷芳園山水美秀麓暢茂觀參差猶良嶽延福也  
宮在舊城保和殿政和三年四月作九月王清神霄宮  
因附見此保和殿成總為屋七十五間  
政和三年建舊名玉清和陽上清寶籙宮在景龍門東  
在福寧殿東七年改今名  
對景輝門既又作仁濟輔正二亭於宮前道士清寶籙  
宮密連禁署內列亭臺館舍不可勝計命道士施民符  
葉徽宗時登皇醮之事徽宗數從複道上往來是十年  
寶籙宮以便齋醮之事徽宗數從複道上往來是十年  
二月始張灯于景龍門上下名曰萬歲山艮嶽  
預賞元宵其明年乃有期門之事

上清寶籙宮之東作萬歲山周十餘里其最高一峯九  
十步上有界亭分東西二嶺直接南山之東有萼綠華  
堂有書館八峰並峙有雁池雍雍亭北直絳霄樓山之  
南則壽山兩峰並峙有雁池雍雍亭北直絳霄樓山之  
西有藥寮有西莊有巢雲亭有白龍沂濯龍峽蟠秀練  
光琇雲亭羅漢巖又西有萬松嶺畔有倚翠樓上下  
設兩閣閣下有平池鑿大方治中作西洲東為蘆渚  
亭曰浮陽西為梅渚亭曰雪浪西流為鳳池東出為雁  
池中分二館東曰流碧西曰環山有閣曰巢鳳堂曰三  
秀東池後有揮雪亭復由澄道上至界亭亭左復有亭  
曰極目曰蕭森右復有亭曰鹿雲半出北俯景龍江引  
江之上流注山澗西行為澗壩軒又行石閣為煉丹凝  
真館因山亭下視江際見高陽酒肆及清澗閣北岸有  
勝筠菴躡雲臺蕭間館飛岑亭支流別為山莊為回溪  
又于南山之外為小山橫亘二里曰芙蓉城窮極巧妙  
而景龍江外則諸館舍尤精其北又因瑤華宮火外取其  
地作大池名曰曲江流中有堂曰蓬壺東盡封丘門而  
止其西則自天波門橋引水直西殆半曲江乃折南又

有什齊



折北五里屬之龍過閭闔宣門為復道通徽宗自為良姬宅折北者  
山在國之良故名良岳蔡條謂初名鳳凰山後神降其  
詩有良岳之萬壽峰又改名壽岳蔡條謂南山成又改名  
于良岳之正門名曰華故亦號華宮自政和訖靖  
壽岳岳之正門名曰華故亦號華宮自政和訖靖  
康積累十餘年四月花木奇石悉聚于斯樓臺亭觀雖  
畧如前所記而月增日益殆不可以數計宣和五年朱  
勳于太湖取石高廣數丈載以大舟挽以千夫鑿河斷  
橋毀堰折牌數月乃至賜號昭功敷慶神運石是年初  
得燕地故也勳緣此授節度使大抵群閣興築不肯已  
徽宗晚歲患苑囿之衆國力不能支數有厭惡語由是  
得稍止及金人再至圍城日久欽宗命取山禽水鳥十  
餘萬盡投之汴河聽其所之折屋為薪鑿石為斃伐竹  
為苑籬又取大鹿數百  
千頭殺之以啖戰士云

宋朝會典晉今大內即宣武軍節度使治所朱梁建

都遂以衙署為建昌宮晉天福中又為大寧宮但改  
名號而已周世宗雖加營繕猶未合古制建隆三年  
發開封浚儀民廣皇城四年五月太祖命有司畫洛  
陽宮殿按圖修之自此皇都始壯麗矣  
趙德麟侯鯖錄唐東京宮城東西四里一百八十  
八步南北二里八十五步周四十三里二百四十一  
步高四丈八尺宋東京宮城周四里  
邵氏聞見錄東京唐汴州梁太祖因宣武軍置建  
昌宮晉改曰大寧宮周世宗雖加營繕猶未如王者

之制藝祖得天下之初即遣使圖西京大內按以改  
作既成帝坐萬歲殿洞開諸門端直如繩嘆曰此如  
吾心小有私曲人皆見之矣

葉少蘊石林燕語曰京師大內梁氏建國止以為建  
昌宮本唐宣武軍節度治所未暇增大也後唐莊宗  
遷洛復廢以為宣武軍晉天福中因高祖臨幸更號  
大寧宮今新城是也其增展外羅城蓋周世宗始為  
之太祖建隆初以大內制度草創乃詔圖洛陽宮殿  
展皇城東北隅以鐵騎都尉李懷義與中貴人董役

按圖營建初命懷義等凡諸門與殿須相望無得輒  
差故垂拱福寧柔儀清居四殿正重而左右掖與升  
龍銀臺等諸門皆然惟大慶殿與端門少差耳宮成  
太祖坐福寧寢殿令闔門前後召近臣入觀諭曰我  
心端直正如此有少偏曲處汝曹必見之矣群臣皆  
再拜後雖嘗經火屢修率不敢易其故處矣

按石林燕語與

印氏所記畧同

又曰大慶殿初名乾元太平興國祥符中皆因火改  
為朝元天安景祐中方改今名有龍墀沙墀凡正至

大朝會尊號則御馬郊祀大禮則駕宿于殿之後閣  
百官為次宿于前之西廊皇祐初始行明堂之禮又  
以為明堂仁宗御篆明堂二字每行禮則旋揭之事  
已復去文德殿在大慶殿之西少次舊曰端明後改  
文明祥符中因火再建易今名紫宸殿在大慶殿之  
後少西其次又為垂拱殿自大慶殿後紫宸垂拱之  
西門有柱廊相通每月視朝則御文德所謂通殿也  
東西閣門皆在殿後之兩旁月朔不御通殿則御紫  
宸所謂入閣也月朔與誕節郊廟禮成受賀契丹辭

見亦皆御紫宸文德遇受冊發冊明堂宣赦亦御而  
不常用宣麻不御殿而百官即庭下聽之紫宸不受  
賀而拜表稱賀則于東上閣門國忌未赴景靈宮先  
進名表慰則于西上閣門亦既庭下拜而授閣門使  
蓋以閣不以殿也惟垂拱為日御朝之所集英殿舊  
大明殿也明道中改今名每春秋大燕皆在此太祖  
嘗御策制科舉人故後為進士殿試之所其東廊後  
有樓曰昇平舊紫雲樓也每大燕則宮中登而觀焉  
皇儀殿舊多滋福咸平太宗明德皇后居之以為萬

安宮后崩復舊明道中改今名故常廢而不用以為  
治后喪之所

又曰東華門直北有東向門西與內東門相直俗謂  
之諂門而無榜張衡東京賦所謂諂門曲榭者也薛  
琮注諂曲屈邪科行依城郭為道集韻諂字或作藉以  
為宮室相連之稱今循東華門墻而轉東面為北門  
亦可謂邪行依墻矣凡宮禁之言相承必皆有自也

按字訓諂別也東  
京賦但言別門耳

周密癸辛雜識曰京師有八卦殿八門各有樹木山

又曰東華門  
心字在字之右  
周禮卷之二十一  
曰天子之宮  
有九室

石無一相類皆嵌石座亦穿空與石竅相通上欲有  
所往與所幸美人自一門出宮人仙衣扶輪一蔽霹  
靂則仙樂並奏雲霄間石竅中腦麝烟起如舞

楊奐汴京故宮記曰元太宗十一年己亥春三月按  
部至于汴汴長吏宴于廢宮之長生殿俱後世無以  
考為纂其大概云皇城南外門曰南薰南薰之北新  
城門曰豐宜橋曰龍津橋北曰丹鳳而其門三丹鳳  
北曰州橋橋少北曰文武樓遵御路而北橫街也東  
曰太廟西曰郊社正北曰承天門而其門五雙闕前

引東曰登聞檢院西曰登聞鼓院檢院之東曰左掖  
門門之南曰待漏院鼓院之西曰右掖門門之南曰  
都堂承天之北曰大慶門而日精門左昇平門居其  
東月華門右昇平門居其西正殿曰大慶殿東廡曰  
嘉福樓西廡曰嘉瑞樓大慶之後曰德儀殿德儀之  
東曰左升龍門西曰右升龍門元文類二隆  
字並作龍正門曰  
隆德曰蕭牆曰丹墀曰隆德殿隆德之左曰東上閣  
門右曰西上閣門皆南嚮東西二樓鐘鼓之所在鼓  
在東鐘在西隆德之次曰仁安門仁安殿東則內侍

局內侍之東近侍局近侍之東曰嚴祇門宮中則曰  
撒合門少南曰東樓即除授樓也西曰西樓仁安之  
次曰純和殿正寢也純和西曰雪香亭雪香之北后  
妃位也有樓樓西曰瓊香亭亭西曰涼位有樓樓北  
少西曰玉清殿純和之次曰寧福殿寧福之後曰苑  
門由苑門而北曰仁智殿有二大石左曰敷錫神運  
萬歲峯右曰玉京獨秀太平巖殿曰山莊莊之西南  
曰翠微閣苑門東曰仙韶院院北曰湧翠峯峰之洞  
曰大滌湧翠東連長生殿殿東曰湧金門湧金之東

曰蓬萊殿長生西曰浮玉殿浮王之西曰瀛洲殿長  
生之南曰闕武殿闕武之南曰內藏庫由嚴祇門東  
曰尚食局尚食東曰宣徽院宣徽北曰御藥院御藥  
北曰右藏庫右藏之東曰左藏宣徽東曰點檢司點  
檢北曰秘書監秘書北曰學士院學士之北曰諫院  
諫院之北曰武器署點檢之南曰儀鸞局儀鸞之南  
曰尚輦局宣徽之南曰拱衛司拱衛之南曰尚衣局  
尚衣之南曰繁禧門繁禧南曰安泰門安泰西與左  
升龍門直東則壽聖宮兩宮太后位本明俊殿試進

士之所宮北曰徽音殿徽音之北曰燕壽殿燕壽殿  
垣後少西曰震肅衛司東曰中衛尉司儀鸞之東曰  
小東華門更漏在焉中衛尉司東曰祇肅門祇肅門  
東少南曰將軍司徽音之東曰大后苑苑之殿曰慶  
春慶春與燕壽並小東華與正東華對東華門內正  
北尚廐局尚廐西北曰尚醞局湯藥局侍儀司少西  
曰符寶局器物局西則撒合門嘉瑞樓西曰三廟正  
殿曰德昌東曰文昭殿西曰光興殿並南嚮德昌之  
後宣宗廟也宮西門曰西華與東華直其北門曰安

貞二大石外凡花石臺榭池亭之細並不錄觀其制度簡素比土階茅茨則過矣視漢之所謂千門萬戶珠璧華麗之飾則無有也後之人因其制度而損益之以求其稱斯可矣

國朝洪武十一年即宋故宮遺址建周王府乃太祖第五皇子謚定始分封之國宗室繁衍甲于他藩城中井水悉苦特難飲汴人率于城外汲水飲之惟周府太祖前井水甘前蓋宋大內故井也

石林詩話

京師職事官皆無公廨特雖宰相執政亦

僦舍而居每遇出省或有中批外奏急速文字則省吏徧持于私第呈押既稽緩又多漏泄元豐初始建東西府于右掖門之前每府相對為四位裕陵幸尚書省駐輦環視久之時張侍郎文裕以詩慶宰執元參政厚之和云黃閣勢連東鳳闕紫樞光直右銀臺蓋東府與西闕相近西府正直右掖門

避暑錄語

舊學士院在樞密院之後其南廡與樞

密後廊中分門乃西向玉堂本以待乘輿行幸非學士所得常居惟禮上之日得略坐其東受院吏參謁

而已其後為主廊北出直集英殿則所謂北門也學士僅有直舍分于門之兩旁每鎖院受詔乃與中使坐主廊余為學士時始請闢兩直舍各分其一間與北門通為三以照壁限其中屏間命待詔鮫詢畫花竹于上與玉堂郭熙春江晚景相配當時以為美談後聞王丞相將明為承旨太上皇眷愛之厚乃旁取西省右正言廳以廣之中為殿曰右文則非余前日所見矣

吳處厚青箱雜記

梁祖都汴庶事草創正明中始

于今右長慶門東北創小屋數十間為三館湫隘尤甚又周廬徹道咸出其間衛士騎卒朝夕喧雜每受詔撰述皆移他所至太平興國中車駕臨幸顧左右曰若此卑隘何以待天下賢俊即日詔有司規度左昇龍門東北東府地為三館命內臣督役晨夜兼作不日而成尋下詔賜名崇文院以東廊為昭文館書庫南廊為集賢院書庫兩廊以經史子集四部為史館庫凡六庫書籍正副本八萬卷斯亦盛矣

東京夢華錄曰東都外城方圓四十餘里城濠曰護龍



河濶十餘丈濠之內外皆植楊柳粉牆朱戶禁人往來  
城門皆甕城三層屈曲開門惟南薰門新鄭門新宋門  
封丘門皆直門兩重蓋此係四正門皆留御路過也新  
城南壁其門有三正南門曰南薰曰城南一邊東南則  
陳州門傍有蔡河水門西南則戴門傍亦有蔡河水門  
蔡河正名惠民河為通蔡州故也東城一邊其門有四  
東南曰東水門乃汴河下流水門也其門跨河有鐵裹  
牕門過夜如閘垂下水面兩岸各有門通人行路出拐  
子城夾岍百餘丈次則曰新宋門次曰新曹門又次曰

東北水門乃五丈河之水門也西城次曰萬勝門又次曰固  
子門河上水門也又次曰西北水門乃金水河水門也北城一邊其

門有四從東曰陳橋門乃大遼人使驛路次曰封丘門北郊次

曰新酸棗門次曰衛州門諸門名皆俗呼其正名如水

固子門本新城每百步設馬面鐵棚密置女頭旦暮修

整望之聳然城裏牙道各植榆柳成陰每二百步置一

防城庫置守禦之器有廣固兵士二十指揮每日修造

泥飾專有京城所提摠其所

舊京城方圓約二十里許南壁其門有三正南曰朱雀

門左曰保康門右曰新門東壁其門有三從南汴河南岸角門子河北岸曰舊宋門次曰舊曹門西壁其門有三從南曰舊封丘門次曰景龍門乃大內城角次曰金水門

穿城河道有四南壁曰蔡河自陳蔡由西南戴樓入京

城遼繞自東南陳州門出河上有橋十一自陳州門裏

曰觀橋在五岳觀後門從北次曰宣泰橋次曰雲騎橋次曰橫

橋子在彭婆宅前次曰高橋次曰西保康門橋次曰龍津橋

正對內前次曰新橋次曰太平橋高殿前次曰糶麥橋次曰

第一座橋次曰宜男橋出戴樓門外曰四里橋中曰汴河自西京洛口分水入京城東去至泗州入淮運東南之粮凡東南方物自此入京城公私仰給焉自東水門外七里至西水門外河上有橋十三從東水門外七里曰虹橋其橋無柱皆以巨木虛架飾以丹艧宛如飛虹其上下土橋亦如之次曰順城倉橋入水門裏曰便橋次曰下土橋次曰上土橋投西角子門曰相國寺橋次曰州橋正名大漢橋正對於大內御街其橋與相國寺橋皆低平不通舟船惟西河平橋可其柱皆青石為之石梁

石筍楯欄近岸橋兩岸皆壁雕鏤海馬水獸飛雲之狀橋  
下密排石柱蓋車駕御路也州橋之北岸御路東西兩  
闕樓觀對峙橋之西有方淺船二隻頭置巨幹鐵鎗教  
條岸上有鐵索三條遇夜絞上水面蓋防遺失舟船矣  
西去曰浚儀橋次曰興國寺橋亦名馬軍衙橋次曰太師府  
橋蔡相宅前次曰金梁橋次曰西浮橋舊以船為之橋今次  
皆用木石造矣  
曰西水門便橋門外曰橫橋東北曰五丈河來自濟鄆  
般挽京東路糧斛入京城自新曹門外入京河上有橋  
東去曰小橫橋次曰廣備橋次曰蔡市橋次曰青暉橋

染院橋西北曰金水河自京城西南分京索河水築隄  
從汴河上周木橋槽架過從西北水門入京城夾牆遮擁  
入大內灌後苑池浦矣河上有橋三曰白虎橋橫橋五  
王宮橋之類又曹門河小子橋曰念佛橋  
大內正門宣德樓列五門門皆金釘朱漆壁皆磚石間  
甃鏤鏤龍鳳飛雲之狀莫非雕甍畫棟峻桷層椽覆以  
琉璃瓦曲尺朶樓朱欄彩檻下列兩闕亭相對悉用朱  
紅杈子入宣德樓正門乃大慶殿庭設兩樓如寺院鐘  
樓上有太史局保章正測驗刻漏逐時刻執牙牌奏每

遇大禮車駕齋宿及正朔朝會于此殿殿外左右橫門  
曰左右長慶門內城南壁有門三座係大朝會趨朝路  
宣德樓左曰左掖門右曰右掖門左掖門裏乃明堂右  
掖門裏西去乃天章寶文等閣宮城至北廊約百餘丈  
入門東去街北廊乃樞密院次中書省次都堂宰相朝  
退治事  
此次門下省次大慶殿外廊橫門北去百餘步又一橫  
門每日宰執趨朝此處下馬餘侍從臺諫于第一橫門  
下馬行至文德殿入第二橫門東廊大慶殿東偏門西  
廊中書門下後省次修國史院次南向小角門正對文

德殿

常朝  
殿也

殿前東西大街東北東華門西出西華門近

裡又兩門相對左右嘉肅門也南去左右銀臺門自東  
華門裏皇太子宫入嘉肅門街南大慶殿後門東西上  
閣門街北宣祐門南北大街西廊面東曰凝暉殿乃通  
會通門入禁中矣殿相對東廊門樓乃殿中省六尚局  
御厨殿上常列禁衛兩重時刻提警出入甚嚴近裏皆  
近侍中貴殿之外皆知省御葉幕次快行親從官輦官  
車子院黃院子內諸司兵士祇候宣喚及宮禁買賣進  
貢皆由此入宣祐門外西去紫宸殿正朔受  
朝于此次日文德

殿常朝次曰垂拱殿次曰皇儀殿次曰集英殿御宴及試舉人

于此後殿曰崇政殿保和殿內書閣唐思是思殿後門曰

拱辰門

內諸司皆在禁中如學士院皇城司四方館客省東西

上閣門通進司內弓劍槍甲軍器茶酒內等庫翰林司

侍省入內內侍省內藏庫奉宸庫景福殿庫延福宮殿

中省六尚局尚藥尚食尚輦尚醞尚舍尚衣諸閣分內香藥庫後苑作

翰林書藝局醫官局天章等閣明堂頌翔布政府

外諸司左右金吾衛仗司法酒庫內酒坊牛羊司乳酪

院儀鸞司帳設局也車輅院供奉庫雜物庫雜賣務東西作

坊萬全造軍器所修內司文思院上下界綾錦院文繡院軍

器所上下竹木務箔場車營致遠務驛務馳坊象院作

坊物料庫東西窰務內外物庫油醋庫京城守具所鞍

轡庫養馬曰左右騏驎院天駟十監河南北十炭場四

熟藥局打套所諸米麥等自州東虹橋元豐倉順成倉

東水門裏廣濟裏河折中外河折中富國廣盈萬盈永

豐濟遠等倉陳州門裏麥倉子代北夷門山五丈河諸

倉約共有五十餘所日有支納下卸即有下卸指軍兵

士支遣即有袋家每人肩兩石布袋遇有支遣倉前成  
市近新城有草場二十餘所每遇冬月諸鄉納粟稈草  
牛車闐塞道路車尾相啣數十萬輛不絕場內堆積如  
山諸軍打請營在州北即往州南倉不許僱人搬擔並  
要親負來祖宗之法也

坊巷御街自宣德樓一直南去約濶二百餘步兩邊乃  
御廊舊許市人買賣于其間自政和間官司禁止各要  
立黑漆杈子路心又安朱漆杈子兩行中心御道不得  
人馬行往行人皆在廊下朱杈子之外杈子裏有磚石

甃砌御溝水兩道宣和間盡植蓮荷近岸植桃李梨杏  
襍花相間春夏之間望之如繡

宣德樓前左南廊對左掖門為明堂頌朔布政府秘書  
省右廊南對右掖門近東則兩府八位西則尚書省御  
街大內前南去左則景靈東宮右則西宮近南大晟府  
次曰太常寺州橋曲轉大街面南曰左藏庫

金史曰南京路國初曰汴京貞元元年更號南京

都城門十四曰開陽曰宣仁曰安利曰平化曰通遠曰  
宜照曰利川曰崇德曰迎秋曰廣澤曰順義曰迎朔曰

順常曰廣智宮城門南外門曰南薰南薰北新城門曰  
豐宜橋曰龍津橋北門曰丹鳳其門三丹鳳北曰丹橋  
橋少北曰文武樓遵御路而北橫街也東曰太廟西曰  
郊社正北曰承天門其門五雙闕前引東曰登聞檢院  
西曰登聞鼓院檢院東曰左掖門門南曰待漏院鼓院  
西曰右掖門門南曰都堂直承天門北曰大慶門門東  
曰日精門又東曰左昇平門大慶門西曰月華門又西  
曰右昇平門正殿曰大慶殿殿前有龍墀又南有丹墀  
東廡曰嘉福樓西廡曰嘉瑞樓大慶後曰德儀殿殿東

曰左昇龍門西曰右昇龍門正門曰隆德內有隆德殿  
有蕭牆有丹墀隆德殿左曰東上閣門右曰西上閣門  
皆南嚮鼓樓在東鐘樓在西隆德之次曰仁安門仁安  
殿東則內侍局又東曰近侍局又東則嚴祇門宮中則  
稱曰撒合門少南曰東樓則授除樓也西曰西樓仁安  
之次曰純和殿正寢也純和西曰雪香亭亭北有后妃  
位也有樓樓西曰瓊香亭亭西曰涼位有樓樓北少西  
曰玉清殿仁和之次曰福寧殿殿後曰苑門內曰仁智  
殿有二太湖石左曰敷錫神運萬歲峯右曰玉京獨秀

太平巖殿曰山莊其西南曰翠微閣苑門東曰仙韶院  
北曰翠峯峰之洞曰大滌湧翠東連長生殿又東曰湧  
金殿又東曰蓬萊殿長生西曰浮玉殿又西曰瀛洲殿  
長生殿南曰闕武殿又南曰內藏庫巖祇門東曰尚食  
局又東曰宣徽院院北曰御藥院又北右藏庫東則左  
藏庫宣徽院東曰點檢司司北曰秘書監又北曰學士  
院又北曰諫院又北曰武器署點檢司南曰儀鸞局又  
南曰尚輦局宣徽院南曰拱衛司又南曰尚衣局其南  
為繁禧門又南曰安泰門門與左昇龍門相直東壽聖

宮西宮太后位也本明俊殿試進士之所宮北曰徽音  
院又北曰燕壽殿殿垣後少西曰振肅衛司東東曰中  
衛尉司儀鸞局東曰小東華門更漏在焉中衛尉司東  
曰祇肅門少東南曰將軍司徽音壽聖東曰太后苑苑  
殿曰慶春與燕壽殿並小東華門對東華門  
內正北尚廐局其西北曰臨武殿左掖門北尚食局南  
曰宮苑司其西北尚醞局湯藥局侍衛司少西曰符寶  
局器物局又西則撒合門也嘉瑞樓西三廟正殿曰德  
昌東曰文昭西曰光興德昌後宣宗殿也宮西門曰西



華與東華相直北門曰安貞

大金國志曰貞元三年國主陰有南征之志乃謀遷都汴京先遣參知政事馮長寧為留守經畫修內未幾天火焚之宮室皆盡主大怒免長寧為庶人尋杖之死正隆元年冬復修汴京大內遣左丞相領行臺尚書省督其事以梁漢臣為提舉官號大使詔曰朕祇奉上玄君臨萬國屬從朔地爰出幽都猶踟躕于一隅非光宅于中土顧理道所在有因有循權變所在有草有化大梁天下之都會陰陽之正中朕惟通變之數其可違乎

往歲卜宅相土宜建新都將命不度燼于一炬第山川秀麗卉物繁滋朕夙有志焉雖則劬勞其究安宅其大內規模一仍舊貫可大新營構乘時葺理

汴京制度宣宗所遷大槩依宋之舊故宫宮牆四角皆有樓高五丈每樓一所兩旁各有屋以裹牆角自左掖門向西三十步橫入一門號左昇龍門入此門即大慶門外游峻廊上俯闕城市正望丹鳳樓後下樓即右昇龍門此兩門通左右掖門橫通大慶門外其門有三中曰大慶東曰日精西曰月華門旁皆列戟入此門望見

大慶殿殿前有兩樓對峙東曰嘉福西曰嘉瑞大慶殿屋十一間龍墀二級旁朵殿各三門峻廊後與兩廡相接殿壁畫四龍各長數丈乃宣宗渡河後畫中有御畫小龍用拱斗闔成一方井如佛正殿蓋中有一金龍以絲經罩之此正衙也屏下峻階數步一殿曰德義殿有三門中曰隆平左曰左隆平右曰右隆平入此門東西兩井望見隆德殿即宋垂拱殿也殿庭中東一鐘樓西一鼓樓殿屋五大間旁各殿三間階上龍墀一級東西兩閣門並樓屋下有門通往來此常朝殿也此殿後又

一庭院有門曰仁安東西兩門東出東華門入仁安門望見仁安殿龍墀兩廊皆入仁德殿規模即宋集英殿也自此後兩殿有門皆有船軒連接兩邊廊屋止是黑漆牕戶意謂必宮人居于此乃內殿百官不到前四殿皆琉璃筒瓦一殿曰德和一殿曰福寧後有一小殿殿後有直舍此殿後即內宮墻門有門兩重出入後苑十數步間過一小溪橋有仁智殿溪中有龍舟仁智殿下兩巨石高三丈廣半之東一石有小碑刻勅賜昭度神運萬歲峰西一石刻獨秀太平巖乃宋徽宗御書刻石

填金殿後有石壘成山高百尺廣倍之最上刻石曰香  
石泉山山後挽水上山水自流下至荆玉澗又流至湧  
翠峯下有太山洞水自洞門飛下復曰本路出德和殿  
迤邐至大慶門外橫從右昇龍門出後朝門榜曰啟慶  
之宮入宮門後有三門中曰德昌左曰文昭右曰光興  
制度弘麗金碧輝映不可勝言出啟慶門復入右昇龍  
門過大慶門外出左昇龍門向東行一門向南榜曰聖  
壽宮左安泰門右明昌門即金國太后宮入宮門直入  
一門榜曰徽音又一門榜曰光熙望見徽音殿長樂殿

入光翼門繁禧門有德壽殿復出此宮即秘閣在左掖  
門之西五門之東即古待漏院自五門望南向丹鳳門  
中間禁路兩廊千步廊盡處向東一屏牆向南一大門  
即太廟門內三門門上並畫螭龍殿宇二十五間高大  
宏麗兩傍修廊東西各開一門與廊相通蓋百官倍位  
入此兩門甚便殿上土室畫榜金國祖宗謚號每一室  
計三門東邊一門西邊一牕嵌一小石室上下有石廣  
三丈石門一閤可開閉係藏神主處遇祭祀迎神主出  
石室祭畢復藏殿宇出太廟向西行向南一門即社壇

周圍皆牆外四門遇祭則開迎四方之氣宮室制度金  
國時有改更大抵皆宋朝之舊也

歷代帝王宅京記卷之十七終

歷代帝王宅京記卷之十八

崑山顧炎武寧人氏錄



宋州

宋

宋史地理志曰大中祥符七年建應天府為南京宮城

周二里三百一十六步門曰重熙頌慶殿曰歸德元豐六年

賜度牒修外京城周回一十五里四十步東二門南

曰咸和北曰昭仁西二門南曰順城北曰迴鑿南一門

曰崇禮北一門曰靜安中有隔城又有門二東曰承慶

西曰祥輝其東又有闕城南北各一門  
葉夢得石林燕語曰應天府藝祖肇基之地祥符七年  
建南京詔即衙城為大內正殿以歸德為名雖降圖營  
建而寔未嘗行天禧中王曾為守請減省舊制別為圖  
以進亦但報聞其後僅修祥輝崇禮二門而已元豐間  
蘇頌自南京還朝請以曾奏先修歸德一殿約為屋百  
間神宗亦未暇也惟正門以真宗觀酺賜名重熙頌慶  
樓猶是雙門未嘗改作

玉海曰宋州景德三年二月甲申升應天府祥符七年

正月丙辰升南京詔曰洪惟藝祖歷試是邦同幽土之  
始基應春陵之王氣稽唐氏晉陽之制肇建新都  
地理新釋曰南京應天府闕伯所居商丘周為宋國漢  
為梁國隋唐為宋州太祖以歸德軍節度使即位定有  
天下之號曰宋景德四年升應天府大中祥符七年升  
南京高宗即位于此

口臨安

宋

宋史地理志曰行在所建炎三年閏八月高宗自建康

如臨安以州治為行宮宮室制度皆從簡省不尚華飾  
垂拱大慶文德紫宸祥曦集英六殿隨時易名寔一殿  
重華慈福壽慈壽康四宮重壽寧福二殿隨時異額寔  
德壽一宮延和崇政復古選德四殿本射殿也慈寧殿  
紹興九年以太 欽先孝思殿 十五年建在 翠寒殿 孝宗  
紹興九年以 太 欽先孝思殿 十五年建在 翠寒殿 孝宗  
後有歸期建 太 欽先孝思殿 十五年建在 翠寒殿 孝宗  
損齋 紹興未建貯經史 東宮 在麗政門內孝宗莊文講  
書為燕坐之所 東宮 在麗政門內孝宗莊文講  
筵所資善堂 在行宮門內 天章龍圖寶文顯猷徽猷敷  
文煥章華文寶謨九閣寔天章一閣  
輿服志曰宮室汴宋之制侈而不可以訓中興服御惟

務簡省宮殿尤朴皇帝之居曰殿總曰大內又曰南內  
本杭州治也紹興初創為之休兵後始作崇政垂拱二  
殿久之又作天章等六閣寢殿曰福寧殿淳熙初孝宗  
始作射殿謂之選德殿八年秋又改後殿擁舍為別殿  
取舊名謂之延和殿便坐視事則御之他如紫宸文德  
集英大慶講武惟隨時所御則易其名紫宸殿遇朔受  
朝則御焉文德殿降赦則御焉集英殿臨軒策士則御  
焉大慶殿行冊禮則御焉講武殿閱武則御焉其寔垂  
拱崇德二殿權更其號而已二殿雖曰大殿其修廣僅

如大郡之設廳淳熙再修正循其舊每殿為屋五間十  
二架修六丈廣八丈四尺殿南簷屋三間修一丈五尺  
廣亦如之兩朵殿各二間東西廊各二十間南廡九間  
其中為殿門三間六架修三丈廣四丈六尺殿後擁舍  
七間即為延和其制尤卑階一級小如常人所居而  
已奉太上則有德壽宮重華宮壽康宮奉聖母則有慈  
寧宮慈福宮壽慈宮德壽宮在大內北望仙橋故又謂  
之北內紹興三十二年所造宮成詔以德壽為名高宗  
為上皇御之重華即德壽宮也孝宗遜位御之壽康宮

即寧福殿也初丞相趙汝愚議以秘書省為泰寧宮已  
而不果行以慈懿皇后外第為之上皇不欲遷因以舊  
寧福殿為壽康宮光宗遜位御之大內苑中亭殿亦無  
增其名稱可見者僅有復古殿損齋觀堂芙蓉閣翠寒  
堂清華閣襪木堂隱岫澄碧倚柱隱秀碧琳堂之類此  
南內也北內苑中則有大池引西湖水注之其上疊石  
為山象飛來峰有樓曰聚遠禁蘄周回四分之東則香  
遠清深月臺梅坡松菊三徑清妍清新芙蓉岡南則載  
忻欣欣射廳臨賦燦錦至樂半丈紅清曠瀉碧西則冷

泉文杏館靜樂院溪北則絳華早船俯翠春桃盤松皇  
太子宮曰東宮其未出閣但聽讀于資善堂堂在宮門  
內已受冊則居東宮宮在麗在麗正門內紹興三十二  
年始置孝宗居之莊文太子立復居之光宗為太子孝  
宗謂輔臣曰今後東宮不須別建朕宮中宮殿多所不  
御可移修之自是皆不別建淳熙二年始創射堂一為  
游藝之所圃中有榮觀玉淵清賞壽堂鳳山樓皆宴息  
之地也幕殿即周官大小次也東都時郊壇大次謂之  
青城祀前一日宿齋詣焉其制中有二殿外有六門前

曰泰禋後曰拱極東曰祥曦西曰景耀東偏曰承和西  
偏曰迎禧大殿曰端誠便殿曰熙成中興後以事天尚  
質屢詔郊壇不得建齋宮惟設幕屋而已其制架木而  
以葦為障上下四旁周以屋簷以象宮室謂之幕殿及  
行事又于壇所設山次大小次之別又有望祭殿遇雨  
則行事于中東都時為瓦屋五間周圍重廊中興後惟  
設葦屋蓋倣清廟茅屋之制也

玉海曰紹興四年將還臨安始命有司建太廟十二年  
作太社太稷皇后廟都亭驛太學十三年築園丘景靈



宮高煤壇秘書省十五年作內中神御殿十六年廣太廟建武學十七年作玉津園太乙宮萬壽觀十八年築九宮貴神壇十九年建太廟殿二十年作玉牒所二十二年作左藏庫南省倉二十五年建執政府二十六年築兩相第太醫局二十七年建尚書六府凡定都二十年而郊廟宮省始備

方圓南渡後郊丘考曰紹興十三年正月以禮部太常寺申請命殿前都指揮使楊存中知臨安府王喚依國朝禮制建郊丘于國之東南及建青城齋宮在嘉會門

外南四里龍華寺西為垓四成上成從廣七丈再成十二丈三成十七丈四成二十二丈分十二陛陛七十二級壇及內壇七百九十步中外壇通二十五步燎壇方一丈高一丈二尺在壇南二十步內地餘四十步以列仗衛惟青城齋宮及望祭殿詔勿營臨事則為幕屋畧倣汴京制度大殿曰端誠便殿為熙成其外為泰禋門隆興三年以寢殿在淨明寺易安齋去青城稍遠乃徙寺之舊熙成殿于端誠殿後以充寢殿

又曰紹興四年就臨安行宮合祀天地並侑祖宗時行

宮草創一大殿大朝會榜曰文德殿策進士唱名榜曰  
集英殿秋享榜曰明堂殿初太廟寓温州至是已建新  
太廟于臨安而景靈宮未建但即常御殿設位朝獻紹  
興十三年始建景靈宮於新莊橋之西

岳珂程史曰行都之山肇自天目負山之址有門曰朝  
天南循其陘為太宮又南為相府陔拔起數峯為萬松  
八盤嶺下為釣天九重之居右為複嶺設周廬之衛止  
焉舊傳讖記曰天目山垂兩乳長龍騫鳳舞到錢塘山  
明水秀無人會五百年間出帝王錢氏有國世臣事中

朝不欲其語之間因更其末句曰異姓王識寔不然也  
建炎元二之災六龍南巡四朝奠都帝王之真于是乎  
驗朝天之東有橋曰望仙仰眺吳山如卓馬立顧紹興  
間望氣以為有鬱葱之符秦檜頷國心利之請以為賜  
第其東偏即檜家廟而西則一德格天閣之故基也檜  
死嬉猶戀戀不能決去請以其姪常州通判烜為光祿  
丞留泚家廟以為復古之萌芽言者風聞遂請罷烜併  
遷廟主于建康遂空其居高宗將倦勤詔即其所築新  
宮賜名德壽居之以膺天下之養者二十有七年清蹕

躬朝歲時燁奕重華繼御更慈福壽慈凡四侈鴻名宮  
室寔皆無所更稍北連甍為今佑聖觀蓋普安故邸莊  
文魏王光宗皇帝寔生是間今上亦于此開甲觀之祥  
陳隨應南渡行宮記曰杭州治舊錢王宮也紹興因以  
為行宮皇城九里入和寧門左進奏院玉堂右中殿外  
庫至北宮門循廊左序巨璫幕次列如魚貫祥曦殿朵  
殿接修廊為後殿對以御酒庫御藥院慈元殿外庫內  
侍省內東門司大內都巡檢司御厨天章等閣廊回路  
轉衆班排列又轉內藏庫對軍器庫又轉便門垂拱殿

五間十二間

疑有

修六丈廣八丈四尺簷瓦三間修廣

各丈五朵殿四兩廊各二十間殿門三間內龍墀折檻  
殿後擁舍七間為延和殿右便門通後殿殿左一殿隨  
時易名明堂郊祀曰端誠策士唱名曰集英宴對奉使  
曰崇德武舉及軍班授官曰講武東宮在麗正門內南  
宮門外本宮會議所之側入門垂楊夾道間芙蓉環朱  
闌二里至外宮門節堂後為財帛生料二庫環以官屬  
直舍轉外窰子入內宮門廊右為贊導春坊直舍左講  
堂七楹扁新益外為講官直舍正殿向明左聖堂右祠

堂後疑華殿瞻棗堂環以竹左寢室右齊安位內人直舍百二十楹左彞齋太子賜號也按繡香堂便門通繹已堂重簷複屋昔楊太后垂簾于此曰慈明殿前射圃竟百步環修廊右博雅樓十二間左轉數十步雕欄花甍萬卉中出秋千對陽春亭清霽亭前芙蓉後木樨玉質亭梅繞之由繹已堂過錦膳廊百八十楹直通御前廊外即後苑梅花千樹曰梅崗亭曰冰花亭枕小西湖曰水月境界曰澄碧牡丹曰伊洛傳芳芍藥曰冠芳山茶曰鶴丹桂曰天闕清香堂曰本支百世祐聖祠曰慶

和泗州曰慈濟鍾呂曰得真橘曰洞庭佳味茅亭曰昭儉木香曰架雪竹曰賞靜松亭曰天陵偃蓋以日本國松木為翠寒堂不施丹艸白如象齒環以古松碧琳堂近之一山崔嵬作觀堂為上焚香祝天之所吳知古掌焚修每三茅觀鐘鳴觀堂之鐘應之則駕輿山背芙蓉閣風帆沙鳥履舄下山下一溪縈帶通小西湖亭曰清連恠石夾列獻瑰逞秀三山五湖洞穴深杳豁然平朗翬飛翼拱凌虐樓對瑞慶殿損齋緝熙崇政殿之東為欽先孝思復古紫宸等殿木園即福寧殿射殿曰選德

坤寧殿貴妃昭儀婕妤等位宜人直舍螳聚焉又東過閣子庫睿思殿儀鸞修內八作翰林諸司是謂東華門元

元史世祖本紀曰至正二十二年春正月庚辰毀宋郊天臺桑哥言楊輦亦作真加云會稽有泰寧寺宋毀之以建寧宗等攢宮錢塘有龍華寺宋毀之以為南郊皆勝地也宜復為寺以為皇上東宮祈壽時寧宗等攢宮已毀建寺勅毀郊天臺亦建寺焉

二十五年春二月江淮總攝楊璉真加言以宋宮室為

塔一為寺五

臨潢

遼

遼史兵衛志曰遼建五宗臨潢契丹故壤遼陽漢之遼東為渤海故國中京漢遼西地自唐以來契丹有之析津大同故漢地

又曰太祖建皇都于臨潢府太宗定晉晉王石敬瑭來獻十六城乃定四京改皇都為上京

地理志曰上京臨潢府本漢遼東郡西安平之地新莽

曰北安平太祖取天梯蒙國別魯三山之勢于葦甸射  
金甌側角反箭名箭以識之謂之龍眉宮神冊三年城之名  
曰皇都天顯十三年更名上京府曰臨潢涑流河自西  
北南流遼京三面東入于曲江其北東流為按出河又  
有御河沙河黑河潢河鴨子河他魯河狼河蒼耳河輞  
子河臚胸河陰涼河鴛鴦河興國惠民河廣濟河鹽滌  
百狗湖大神淀馬盂山兔兒山野鵲山鹽山鑿山松山  
平地松林大斧山列山屈劣山勒得山唐所封大賀氏  
勒得王有墓存焉

又曰上京太祖創業之地負山抱海天險足以為固地  
沃宜耕植水草便畜牧金甌一箭二百年之基壯矣天  
顯元年平渤海歸乃展郭郭建宮室名以天贊起三大  
殿曰開皇太祖紀二年冬十月己亥朔建明王樓七年  
一月甲子朔建開安德五鑿中有歷代帝王御容每月  
皇殿于明王樓基朔望節辰忌日在京文武百官並赴致祭文于內城東  
南隅建天雄寺奉安烈考宣簡皇帝遺像是歲太祖崩  
應天皇后于義節寺斷腕致太祖陵即寺建斷腕樓樹  
碑焉太宗援立晉遣宰相馮道劉昫等持節具鹵簿法

服至此冊上太宗及應天皇后尊號太宗詔蕃部並依  
漢制御開皇殿闕承天門受禮因改皇都為上京城高  
二丈不設教樓幅員二十七里門東曰迎春曰雁兒南  
曰順陽西曰金鳳曰西雁兒曰南移其北謂之皇城高  
三丈有樓櫓門東曰安東南曰大順西曰乾德北曰拱  
辰中有大內內南門曰承天有樓閣東門曰東華西曰  
西華此通內出入之所正南街東留守司衙次蓋鐵司  
次南門龍寺街南曰臨潢府其側臨潢縣縣西南崇孝  
寺承天皇后建寺西長泰縣又西天長觀西南國子監

監北孔子廟廟東節義寺又西北安國寺太宗所建寺  
東齊天皇后故宅宅東有元妃宅即法天皇后所建也  
其南具聖尼寺綾錦院內省司麴院瞻國省司二倉皆  
在大內西南八作司與天雄寺對南城謂之漢城南當  
橫街各有樓對峙下列井肆東門之北路縣又東南興  
仁縣南門之東回鶻營回鶻高販留居上京置營居之  
西南同文驛諸國信使居之驛西南臨潢驛以待夏國  
使驛西福先寺寺西宣化縣西南定霸縣縣西保和縣  
西門之北易俗縣縣東遼遼縣

周廣順中胡嶠記曰上京西樓有邑屋市肆交易無錢而用布有綾錦諸工作宦者翰林伎術教坊角觝儒僧尼道士皆中國人并汾幽薊為多

宋大中祥符九年薛映記曰上京者中京正北八十里至松山館七十里至崇信館九十里至廣寧館五十里至姚家寨館五十里至咸寧館三十里度潢水石橋旁有饒州唐于契丹嘗置饒樂令渤海人居之五十里保和館度黑水河七十里宣化館五十里長泰館館西二十里有佛舍民者即祖州又四十里至臨潢府自過崇

信館乃契丹舊境其南奚地也入西門門曰金德內有昭德宣政二殿與粘廬皆東向臨潢西北二百餘里號涼淀在饅頭山南避暑之處多豐草掘地丈餘即有堅冰

國語解曰遼有四樓在上京者曰西樓木葉山曰南樓龍化州曰東樓唐州曰北樓歲時游獵常在四樓間五代史四夷附錄曰阿保機以其所居為上京起樓其間號西樓又于其東千里起東樓北三百里起北樓南木葉山起南樓往來射獵四樓之間契丹好鬼而貴日



每月朔旦東向而拜日其大會聚視國事皆以東向為尊四樓門屋皆東向

金

金史地理志曰臨潢地府名西樓遼為上京國初因稱之天眷元年改為北京天德二年改北京為臨潢府路有天平山好水川行宮地也大定二十五年命名有撒里乃地熙宗皇統九年嘗避暑于此有陷泉國言曰落孛魯有合裊追古思阿不漠合沙地

歷代帝王宅京記卷之十九

崑山顧炎武寧人氏錄

幽州

遼

遼史太宗紀曰會同元年十一月晉遣趙瑩奉表來賀以幽薊瀛莫涿檀順媯儒新武雲應朔寰蔚十六州并圖籍來獻于是詔以皇都為上京府曰臨潢升幽州為南京南京為東京

地理志曰南京折津府本古薊州之地高陽氏謂之幽

陵陶唐曰幽都有虞折為幽州商復為薊州周職方東北曰幽州武王封太保奭于燕漢為燕國廣陽國後漢為廣陽郡隋為幽州總管唐置大都督府改范陽節度使晉高祖以遼有援立之勞割幽州等十六州以獻太宗升為南京

又曰燕京城方三十六里崇三丈衡廣一丈五尺教樓戰櫓具八門東曰安東迎春南曰開陽丹鳳西曰顯西清晉北曰通天拱辰大內在西南隅皇城內有景宗聖宗御容殿二東曰宣和南曰大內內門曰宣教改元

外三門曰南端左掖右掖左掖改萬春右掖改千秋門有樓閣球場在其南東為永平館皇城西門曰顯西設而不開北曰子北西城巔有涼殿東北隅有燕角樓坊市廐舍蓋不勝書其外有居庸松亭榆林之關榆林疑當作臨渝古北之口桑乾河高粱河石子河大安山燕山中有瑤嶼府曰幽都軍曰盧龍開泰元年落軍額

聖宗紀曰開泰元年十月甲午朔改幽都府為析津府薊北縣為折津縣幽都縣為宛平縣

興宗紀曰重熙五年五月壬戌詔修南京宮闕府署

宋王曾上契丹事曰自雄州白溝驛渡河四十里至新城縣古督亢亭之地又七十里至涿州北渡范水劉李河六十里至良鄉縣渡蘆溝河六十里至幽州號燕京子城就羅郭西南為之正南曰啟夏門門內有元和殿東門曰宣和城中坊閤皆有樓有憫忠寺寺本唐太宗為征遼陣亡將士所造又有開泰寺魏王耶律漢寧造皆邀朝使遊觀南門外有于越王廨為宴集之所門外永平館舊名碣石館清和後易之南即桑乾河

金

金史地理志曰中都遼會同元年為南京開泰元年號燕京海陵貞元元年定都以燕乃列國之名不當為京師號遂改為中都

天德三年始圖上燕城宮室制度三月命張浩等增廣燕城城門十三東曰施仁曰宣曜曰陽春南曰景風曰豐宜曰端禮西曰麗澤曰顯華曰彰義北曰會誠曰通玄曰崇智曰光泰浩等取真定府潭園材木營建宮室及涼位十六

應天門十一楹左右有樓門內有左右翔龍門及日華

月華門前殿曰大安左右掖門內殿東廊曰敷德門大安殿之東北為東宮正北列三門中曰粹英為壽康宮母后所居也西曰金通門門北曰承明門又北曰昭慶門東曰集禧門尚書省在其外其東西門左右嘉會門也門有二樓大安殿後門之後也其北曰宣明門則常朝後殿門也北曰仁政門旁為朵殿朵殿上為兩高樓曰東西上閣門內有仁政殿常朝之所也

宮城之前廊東西各二百餘間分為三節節為一門將至宮城東西轉各有廊百許間馳道兩旁植柳廊脊覆

碧瓦宮闕殿門則純用碧瓦應天門舊名通天門大定五年更七年改福壽殿曰壽安宮明昌五年復以隆慶宮為東宮慈訓殿為承華殿承華殿者為皇太子所居之東宮也泰和殿泰和二年更名慶寧殿又有崇慶殿魚藻宮也瑤池殿位貞元元年建有神龍殿又有觀會亭又有安仁殿隆德殿臨芳殿皇統元年有元和殿有常武殿有廣武殿為擊毬習射之所

京城北離宮有大寧宮大定十九年建後更為寧壽又更為壽安明昌二年更為萬寧宮瓊花苑有橫翠殿寧

德宮西園有瑤光臺又有瓊花島又有瑤光樓皇統元年有宣和門正隆二年有宣華門又有撒合門

大金國志曰海陵煬王遣左右丞相張浩張通古左丞蔡松年調諸路夫匠築燕京宮室皇城周九里三十步自天津橋之北曰宣陽門中門繪龍兩偏繪鳳用金釘之中門惟車駕出入乃開兩偏分雙隻日開一門過門有兩樓曰文曰武文之轉東曰來寧館武之轉西曰會同館正北曰千步廊東西對焉廊之半各有偏門向東曰太廟向西曰尚書省至通天門後改名應天門高八

丈朱門五飾以金封東西相去一里餘又各設一門左曰左掖右曰右掖內城之正東曰宣華正西曰玉華北曰拱辰及殿凡九重殿三十有六樓閣倍之正中位曰皇帝正位後曰皇后正位位之東曰內省西曰十六位乃妃嬪居之西出玉華門曰同樂園若瑤池蓬瀛柳莊杏村皆在焉都城四圍凡七十五里城門十二每一面分三門其正門四旁又設兩門正東曰宣曜陽春施仁正西曰顯華麗澤彰義正南曰豐宜景風端禮正北曰通玄會城崇智

史有光泰門

此四城十二門也此外有宣陽

門即內城之南門也上有重樓制度宏大三門並立中門常不開唯車駕出入通天門即內城之正南門也四角皆堞樓瓦皆琉璃金釘朱戶五門列自常扁惟大禮裕享則由之宣華乃內城之正東門玉華正西門也左掖東偏門右掖西偏門各有武夫守衛拱辰即內城正北門也又曰後朝門制度守衛與玉華宣華等金碧翬飛規模宏麗矣

又曰初忠獻王粘罕有志于都燕因遼人宮闕于內外城築四城每城各三里前後各一門樓櫓城塹悉如邊

城每城之內立倉廩甲仗庫各穿複道與內城通時陳王兀室及韓常笑其過計忠獻王曰百年間當以吾言為信及海陵煬王定都欲撤其城翟天祺曰忠獻王開國元勳置此當有說乃止及衛紹王時蒙古軍至乃命京城富室遷入東子城百官入南子城宗室保西城戚里保北城各分守兵二萬大興尹烏陵用章命京畿諸將毀各橋梁瓦石悉運入四城往來以舟渡運不及者投之于水拆近城民屋為薪納之城中蒙古兵攻城四城兵皆迭自城上擊之蒙古凡比歲再攻不能克

西御廊北行廊幾二百間廊分三節每節一門將至宮城廊即東轉又百許間其西亦然亦有三出門中馳道甚闊兩旁有溝上植柳廊脊皆以青琉璃瓦覆宮闕門門戶即純用之北即端門十一間曰應天之門下開五門兩扶有溝如左右昇龍之制東西兩角樓端門內有左右翔龍門日華月華門前殿曰大安殿使人自左掖門入北循大安殿東廊入敷德門東北行直東有殿宇門曰東宮直北西南列三門中曰書英是故壽康殿母

后所居西曰會通門自會通北入承明門又北則昭慶門東則集禧門尚書省在門外東西則左右嘉會門門有樓即大安殿後門之後至幕次黑布拂廡待班有頃入宣明門即當朝後殿門也門內庭中列衛士二百許人貼金雙鳳幘頭團花紅錦衫散手立入仁政隔門至仁政殿下團鳳大花氈可半庭殿兩旁有朵殿朵殿上西高樓曰東西上閣門兩廊悉有簾幙中有甲士東西御廊循簷各列甲士東立者紅茸甲金纏竿槍黃旂畫青龍西立者碧茸甲金纏槍白旂畫黃龍至殿下皆然

唯立于門下者錦袍持弓矢殿西階列儀物幢節之屬  
如道家醮壇威儀之類使人曲殿下東行上東階却轉  
南由露臺北行入殿閣謂之欄子金主幙頭紅袍玉帶  
坐七寶榻皆有龍水大屏風四壁帘幕皆紅繡龍拱斗  
皆有繡衣兩楹閣各有大出香金獅蠻地鋪禮毯可一  
殿兩旁玉帶金魚或金帶者十四五人相對列立遙望  
前後殿屈屈掘起甚多制度不經工巧無遺力煬王亮始  
營此都規摹出于孔彥舟役民夫八十萬兵夫四十萬  
作治數年死者不可勝計

元

元史地理志曰大都路唐幽州范陽郡遼改燕京金遷  
都為大興府元太祖十年克燕初為燕京路總管大興  
府太宗七年置版籍世祖至元元年中書省臣言開平  
府闕廷所在加號上都燕京分立省部亦乞正名遂改  
中都其大興府仍舊四年始于中都之東北置今城而  
遷都焉九年改大都十九年置留守司二十一年置大  
都路總管府

京城右擁太行右左滌滄海枕居庸奠翔方城方六十里



十一門正南曰嚴正南之右曰順承南之左曰文明北  
之東曰安貞北之西曰健德正東曰崇仁東之右曰齊  
化東之左曰光熙正西曰和義西之右曰肅清西之左  
曰平則海子則皇城之北萬壽山之陰舊名積水潭聚  
西北諸泉之水流入都城而滙于此汪洋如海都人因  
名焉恣民漁採無禁擬周之靈沼云

世祖本紀曰中統二年冬十月修燕京舊城

四年春三月庚子亦黑迭兒丁請修瓊華島不從

至元元年春二月壬子修瓊華島

二年冬十二月己丑 山大玉海成勅置廣寒殿

三年夏四月丁卯五山珍御榻成置瓊華島廣寒殿

冬十二月修築宮城

四年夏四月甲子新築宮城

秋九月壬辰作玉殿于廣寒殿中

五年冬十月戊戌宮城成

八年春二月丁酉發中都真定順天河間平灤民二萬

八十餘人築宮城

九年夏五月乙酉初建東西華左右掖門

十年冬十月初建正殿寢殿香閣周廡兩翼室

十一年春正月己卯朔宮闕告成帝始御正殿受朝賀  
夏四月癸丑初建東宮

冬十一月起閣南直大殿及東西殿

十七年冬十二月甲午大都重建太廟成自舊廟奉遷  
神主于祔室遂行大享之禮

十九年春二月修宮城太廟司天臺

二十一年秋七月壬申造溫石浴室及更衣殿

成宗紀曰大德八年秋七月辛亥築郊壇于麗正文明

門之南丙位

十年秋八月丁巳京師文宣王廟成

武宗紀曰至大二年夏四月壬午創皇城角樓

仁宗紀曰皇慶二年夏六月甲申建崇文閣于國子監

延祐五年春二月建鹿頂殿于文德殿後

英宗紀曰至治二年二月甲寅以太廟後軍造流盃池

行殿廣海

順帝紀曰至正十三年春正月甲戌重建穆清閣

九月己丑建皇太子鹿頂殿于聖安殿

冬十月撤世祖所立玷殿改建殿宇

十九年冬十月庚申朔詔京師十一門皆築甕城造吊橋

輟耕錄 至元四年正月城京師以為天下本右擁太行左注滄海撫中原正南面枕居庸奠朔方峙萬歲山浚太液池派玉泉通金水縈畿帶甸負山引河壯哉帝居擇此天府城方六十里二百四十步分十一門正南曰麗正南之右左曰順城文南之左曰文明北之東曰安貞北之西曰健德正東曰崇仁南之右曰順水東之右曰齊化東之左曰

光熙正西曰和義西之右曰肅清西之左曰平則大內南臨麗正門正衙曰大明殿曰延春閣宮城周回九里三十步東西四百八十步南北六百十五步高三十五尺軌甃至元八年八月十七日申時動土明年三月十五日即工分六門正南曰崇天十二間五門東西一百八十七尺深五十五尺高八十五尺左右趨樓二趨樓登門兩斜廡十門闕上兩觀皆三趨樓連趨樓東西廡各五間西趨樓之西有塗金銅幡竿附宮城南面有宿衛直廬凡諸宮門皆金鋪朱戶丹楹漆繪彤壁琉璃瓦

飾簷着崇天之左曰星拱三間一門東西五十五尺深四十五尺高五十尺崇天之右曰雲從制度如星拱東曰東華七間三門東西一百十尺深四十五尺高八十七尺西曰西華制度如東華北曰厚載五間一門東西八十七尺深高如西華角樓四據宮城之西隅皆三趨樓琉璃瓦飾簷脊直崇天門有白玉石橋三虹上分三道中為御道鏤百花蟠龍星拱南有御膳亭亭東有拱辰堂蓋百官會集之所東南角樓東差北有生料庫庫東為柴場夾垣東北隅有羊圈西南角樓南紅門外留守

司在焉西華南有儀鸞局西有鷹房厚載北為御苑外周垣紅門十有五內苑紅門五御苑紅門四此兩垣之內也大明門在崇天門內大明殿之正門也七間三門東西一百二十尺深四十四尺重簷日精門在大明門左月華門在大明門右皆三間一門大明殿乃登極正旦壽節會朝之正衙也十一間東西二百尺深一百二十尺高九十尺柱廊七間深二百四十尺廣四十四尺高五十尺寢室五間東西夾六間後連香閣三間東西一百四十尺深五十尺高七十尺青石花礎白玉石圓

碼文石甃地上藉重<sup>南</sup>褥丹楹金飾龍繞其上四面朱鎖  
窓漆井間金繪飾燕石重陞朱欄塗金銅飛雕冒中設  
七寶雲龍御榻白蓋金縷褥並設后位諸<sup>王</sup>百僚怯薛  
官侍宴坐牀重列左右前貯燈漏貯水運機小偶人當  
時刻捧牌而出木質銀裹漆甕一金雲龍蜿蜒之高一  
丈七尺貯<sup>酒</sup>水可五十餘石雕象酒卓一長八尺濶七尺  
二寸玉甕一玉編磬一巨笙一玉笙玉篴篥咸備于前  
前懸繡緣朱簾至冬月大殿則黃貂皮壁障黑貂褥香  
閣則銀鼠皮壁障<sup>障</sup>黑貂煖帳凡諸宮殿乘輿所臨幸者

皆丹楹朱瑣窓間金漆繪設御榻褥咸備屋之簷脊  
皆飾琉璃瓦文思殿在大明寢殿東三間前後軒東西  
三十五尺深七十二尺紫檀殿在大明寢殿西制度如  
文思皆以紫檀香木為之縷花龍涎香間白玉飾壁草  
色髹綠其皮為地衣寶雲殿在寢殿後五間東西五十  
六尺深六十三尺高三十尺鳳儀門在東廡中三間一  
門東西一百尺深六十尺高如其深門之外有庖人之  
室<sup>稍南有酒人之室</sup>麟瑞門在西廡中制度如鳳儀門之外有內藏庫二  
十所所為七間鐘樓又名文樓在鳳儀南鼓樓又名武

樓在麟瑞南皆五間高七十五尺嘉瑞門在後廡寶雲殿東景福門在後廡寶雲殿西皆三間一門周廡一百二十間高三十五尺四隅角樓四間重簷凡諸宮周廡並用丹楹彤壁漆繪琉璃瓦飾簷脊延春門在寶雲殿後延春閣之正門也五間三門東西七十七尺重簷懿範門在延春左嘉則門在延春右皆三間一門延春閣九間東西一百五十尺深九十尺高一百尺三簷重屋柱廊七間廣四十五尺深一百四十尺高五十尺寢殿七間東西夾四間後香閣一間東西一百四十尺深七

十五尺高如其深重簷文石甃地藉花毳褥簷帷咸備白玉石重陛朱闌銅冒楯塗金雕翔其上閣上御榻二柱廊中設小山屏牀皆楠木為之而飾以金寢殿楠木御榻東夾紫檀御榻壁皆張素畫飛龍舞鳳西夾事佛像香閣楠木寢牀金縷褥黑貂壁幃慈福殿又曰東煖殿在寢殿東三間前後軒東西三十五尺深七十二尺明仁殿又曰西煖殿在寢殿西制度如慈福景曜門在左廡中三間一門高三十尺清灝門在右廡中制度如景曜鐘樓在景曜南鼓樓在清灝南各高七十五尺周

廡一百七十二間四隅角樓四間玉德殿在清瀨外七  
間東西一百尺深四十九尺高四十尺飾以白玉甃以  
文石中設佛像東香殿在玉德殿東西有殿在玉德殿西宸慶殿在玉德殿  
後九間東西一百三十尺深四十尺高如其深中設御  
榻簾帷裯褥咸備前列朱闌左右闌二紅門後三字門  
三間東更衣殿在宸慶殿東五間高三十尺西更衣殿  
在宸慶殿西制度如東殿隆福殿在大內之西興聖之  
前南紅門三東西紅門宮各一繚以磚垣南紅門一東  
紅門一後紅門一光天門光天殿正門也五間三門高

三十二尺重簷崇華門在光天門左膺福門在光天門  
右各三間一門光天殿七間東西九十八尺深五十五  
尺高七十尺柱廊七間深九十八尺高五十五尺寢殿五  
間兩夾四間東西一百三十尺高五十八尺五寸重簷  
藻井瑣窻文石甃地藉花毳地懸朱簾重陞朱闌塗金  
雕冒楯正殿綾金雲龍樟木御榻從臣坐牀重列前兩  
旁寢殿亦設御榻裯褥咸備青陽門在左廡中明暉門  
在右廡中各三間一門翥鳳樓在青陽南三間高四十  
五尺驂龍樓在明暉南制度如翥鳳後有牧人宿衛之

室壽昌殿又曰東煖殿在寢殿東三間前後軒重簷嘉禧殿又曰西煖殿在寢殿西制度如壽昌中位佛像旁設御榻針線殿在寢殿後周廡一百七十二間四隅角樓四間侍女直廬五所在針線殿後又有侍女室七十二間在直廬後及左右浴室一區在宮垣東北隅文德殿在明暉外又曰楠木殿皆楠木為之三間前後軒一間盃頂殿五間在光天殿西北角樓西後有盃頂小殿香殿在宮垣西北隅三間前軒一間前寢殿三間柱廊三間後寢殿三間東西夾各二間文宸庫在宮垣西南

隅酒房在宮垣東南隅內庖在酒房之北興聖宮在大內之西北萬壽山之正西周以磚垣南闔紅門三東西紅門各一北紅門一南紅門外兩旁附垣有宿衛直廬凡四十間東西門外各三間南門前夾垣內有省院臺百司官侍直板屋北門外有審花五間東夾垣外有官人之室十七間凌室六間酒房六間南北西門外碁置衛士直宿之舍二十一所所為一間外夾垣東紅門三直儀天殿弔橋西紅門一達徽政院門內差北有盃頂房各三間又北有屋二所各三間差南有庫一所及屋



三間北紅門外有臨門一所三間此夾垣之北門也興  
聖門興聖殿之北門也五間三門重簷東西七十四尺  
明華門在興聖門左肅章門在興聖門右各三間一門  
興聖殿七間東西一百尺深九十七尺柱廊六間深九  
十四尺寢殿五間兩夾各三間後香閣三間深七十七  
尺正殿四面朱懸瑣窻文石甃地藉以毳褥中設宸屏  
榻帳白蓋簾帟皆錦繡為之諸王百僚宿衛官侍宴坐  
沐重列左右其柱廊寢殿亦各設御榻褥咸備白玉石  
重陛朱闌塗金冒楯覆以白滋瓦碧琉璃飾其簷脊弘

慶門在東廡中宣則門在西廡中各三間一門凝暉樓  
在弘慶南五間東西六十七尺延灝樓在宣則南制度  
如凝暉嘉德殿在寢殿東三間前後軒各三間重簷寶  
慈殿在寢殿西制度同嘉德山字門在興聖宮後延華  
閣之正門也正一間兩夾各一間重簷一門脊置金寶  
瓶又獨脚門二周閣以紅版垣延華閣五間方七十九  
尺二寸重阿十字脊白琉璃瓦覆青琉璃瓦飾其簷脊  
立金寶瓶單陛御榻從臣坐沐咸備東西殿在延華閣  
西左右各五間前軒一間園亭在延春閣後芳碧亭在

延華閣後園亭東三門重簷十字脊覆以青琉璃瓦飾  
以綠琉璃瓦脊置金寶瓶徽青亭在圓亭西制度同芳  
碧亭浴室在延華閣東南隅東殿後旁有盡頂房三間  
畏吾兒殿在延英閣右六間旁有窰花半屋八間木香  
亭在畏吾兒殿後東盡頂殿在延華閣東版垣外正殿  
五間前軒三間東西六十五尺深三十九尺柱廊二間  
深二十六尺寢殿三間東西四十八尺前宛轉置花朱  
闌八十五扇殿之旁有盡頂房三間庖室二間面陽盡  
頂房三間妃嬪庫房一間縫紉女庫房三間紅門一盡

頂之制三椽其頂若筍之平故名西盡頂殿在延壽閣  
西版垣之外制度同東殿東殿之旁有庖室三間好事  
房二各三間獨脚門二紅門一妃嬪院四二在東盡頂  
殿後二在西盡頂殿後各正室三間東西夾四門前軒  
三間後有三椽半屋二間侍女室八十三間半在東妃  
嬪院左西向半在西妃嬪院右東向室後各有三椽半  
屋二十五間東盡頂殿紅門外有屋三間盡頂軒一間  
後有盡頂房一間庖室一區在凝暉樓後正室五間前  
軒一間後披屋三間又有盡頂房一間盡頂井亭一間

周以土垣前闢紅門酒房在宮垣東南隅庖室南正屋  
五間前盡頂軒三間南北軒各三間西北隅盡頂房三  
間紅門一土垣四周之學士院在閣後四盡頂殿門外  
之西偏三間生料庫在學士院南又西為鞍轡庫又南  
為軍器庫又南為庖人牧人宿衛之室藏珍庫在宮垣  
西南隅制度並如酒室惟多盡頂半屋三間庖室三間  
萬壽山在大內西北太液池之陽金人名瓊花島中統  
三年修繕之至元八年賜今名其山皆疊玲瓏石為之  
峯巒隱映松檜隆鬱秀若天成引金河水至其後轉機

運輶汲水至山頂出石龍口注方池伏流至仁智殿後  
有石刻螭龍昂首噴水仰出然後由東西流入于太液  
池山前有白玉石橋長二百餘尺直儀天殿後橋之北  
有玲瓏石擁木門五門皆為石色內有隙地對立日月  
石西有石棋枰又有石坐床左右皆有登山之徑縈紆  
萬石中洞府出入宛轉相迷至一殿一亭各擅一景之  
妙山之東有石橋長七十六尺濶四十一尺半為石渠  
以載金水而流于山後以汲于山頂也又東為靈圃奇  
獸珍禽在焉廣寒殿在山頂七間東西一百二十尺深

六十二尺高五十尺重阿藻井文石甃地四面瑣窓板  
密其裏徧綴金紅雲而蟠龍矯蹇于舟楫之上中有小  
玉殿內設金嵌玉龍御榻左右列從臣生牀前架黑玉  
酒甕一玉有白章隨其形刻為魚獸出沒于波濤之狀  
其大可貯石三十餘石又有玉假山一峯玉響鐵一懸  
殿之後有小石笋二內出石龍首以喚所引金水西北  
有廁堂一間仁智殿在山之半三間高三十尺金露亭  
在廣寒殿東其制圓九柱高二十四尺尖頂上置琉璃  
珠亭後有銅幡竿玉虹亭在廣寒殿西制度同金露方

畫亭在荷葉殿後高二三十尺重屋八面重屋無梯自金  
露亭前複道登焉又曰線珠亭瀛洲亭在溫石浴室後  
制度同方畫玉虹亭前仍有登重屋複道亦曰線珠亭  
荷葉殿在方畫前仁智西北三間高三十尺方頂中置  
琉璃珠溫石浴室在瀛洲前仁智西北三間高二十三  
尺方頂中置塗金寶瓶圓亭又曰膳粉亭在荷葉稍西  
蓋后妃添粧之所也八面介福殿在仁智東差北三間  
東西四十一尺高二十五尺延和殿在仁智西北制度  
如介福馬湏室在介福前三間牧人之室在延和前三

間庖室在焉。漣前東浴室更衣殿在山東平地三門兩  
夾太液池在大內西周回若千里植芙蓉儀天殿在池  
中圓抵上當萬壽山十一楹高三十五尺圍七十尺重  
簷圓蓋頂圓臺址甃以文石藉以花裯中設御榻周闌  
瑣窻東西門各一間西北廁堂一間臺西向列甃磚龕  
以居宿衛之士東為木橋長一百廿尺濶廿二尺通大  
內之夾垣西為木吊橋長四百七十尺濶如東橋中闕  
之立柱架梁于二舟以當其空至車駕行幸上都留守  
官則移舟斷橋以禁往來是橋興聖宮前之夾垣後有

白玉石橋乃萬壽山之道也屏山臺在儀天殿前水中  
上植木芍藥隆福宮西御苑在隆福宮西先后妃多居  
焉香殿在石假山上三門間西夾二間柱廊三間龜頭屋  
三間丹楹瑣窻間金漆繪玉石礎琉璃瓦殿後有石臺  
山後闌紅門門外有侍女之室二所皆南向並列又後  
直紅門並立紅門三三門之外有太子幹耳朶荷葉殿  
二在香殿左右各三間圓殿在山前圓頂上置塗金寶  
瓶重簷後有流杯池池東西流水圓亭二圓殿有廡以  
連之歇山殿在圓殿前五間柱廊二各三間東西亭二

在歇山後左右十字脊東西水心亭在歇山殿池上直  
東西亭之南九柱重簷亭之後各有侍女房三所所為  
三間東房西向西房東向前闕紅門三門內立石以屏  
内外外築四垣以周之池引金水注焉棹毛殿在假山  
東偏三間後盡頂殿三間前啟紅門立垣以區分之儀  
鸞局在三紅門外西南隅正屋三間東西屋三間前開  
一門

史官虞集曰嘗觀紀籍所載秦漢隋唐之宮闕其宏麗  
可怖也高者七八十丈廣者二三十里而離宮別館綿

延聯絡彌山跨谷多或至數百所嘻真木妖哉由余有  
言使鬼為之則勞神矣使人為之則苦人矣由余當秦  
穆公之時為是此句較俾見後世之侈何如也雖然紫宮著乎  
玄象得母棟宇有等差之辨而茅茨之簡又烏足以重  
威于四海乎集佐修經世大典將作所疏宮闕制度為  
詳于是知大有運庭于古也方今幅員之廣戶口之夥  
貢稅之富當倍秦漢而參隋唐也願力有可為而莫為  
則其所樂不在于斯也孔子曰禹吾無間然矣卑宮室  
而盡力乎溝洫重于此則輕于彼理固然矣

中書省

吏部

戶部

都提舉萬億綺源庫

都提舉萬億賦源庫

都提舉萬億寶源庫

都提舉萬億廣賦庫

提舉富寧庫

諸路寶鈔提舉司

順承行用庫

文明行用庫

光熙行用庫

健德行用庫

和義行用庫

崇仁行用庫

大都平準庫

鈔總庫

印造寶鈔庫

燒鈔東庫

燒鈔西庫

印造茶鹽引局

抄紙坊

禮部

會同館

教坊司

鑄印司

白紙坊

油

磨坊

兵部

刑部

工部

覆寔司

提舉都城所

提舉右八作司

提舉左八作司

備章總院

大都人匠總管府

大都等路諸色民匠總管府

紋繡總院

繡

局

諸路襍造總管府

茶迭兒局諸色人匠總

管府

提舉諸司局

諸司局人匠總管府

大

都金銀器盒局 大都粘局 織染局 花琰蠟

布等局 簾局 撒答刺欺等局人匠提舉司

造船提舉司 諸物庫 符牌庫 受給庫 左

右箱

樞密院 右衛親軍都指揮使司 左衛親軍都指

揮使司 中衛親軍都指揮使司 前衛親軍都

指揮使司 後衛親軍都指揮使司 武衛親軍

都指揮使司 蒙古侍衛親軍都指揮使司 虎

賁侍衛親軍都指揮使司 唐兀侍衛親軍都指

揮使司 欽差侍衛親軍都指揮使司 貴赤侍

衛親軍都指揮使司

御史臺 殿中司 察院

也可扎魯忽赤 司獄司

徽政院 宮正司 掌謁司 掌醫署 內宰司

備用庫 藏珍庫 掌儀署 文成庫 供須庫

儀從庫 衛候庫 右都威衛使司 左都威

衛使司 延慶司 隨路諸色人匠都總管府

瑪瑙玉局 大都等路諸色名匠提舉司 織染



禮造人匠總管府 綾錦局 織染局 文綺局

諸路怯斡口民匠都總管府 大護國仁王寺

財用規運都總管府

宣徽院 尚舍監 諸物庫 尚食局 生料庫

光祿寺 尚醞局 尚飲局 醴源舍 闡遺監

提舉太倉 柴炭提舉司 沙塘局

中政院 奉宸庫 官領隨路民匠打鋪鷹房納綿

總管府

集賢院 國子監 國子學 興文署

翰林院 國子監 國子學

翰林國史院

宣政院 資善庫

昭文館

太常寺 太廟署 大樂署 社稷署 禮直署

太司農司 廣濟署 籍田署 豐贍署 供膳司

昌國署 濟民署

大都護府

通政院 廩給司

秘書監 著作局 秘書庫

大府監 內藏庫 右藏庫 左藏庫 器備庫

中書監 資成庫 襍造局 諸色人匠提舉司 鐵

局 木局 怯冷口 諸色人匠提舉司 大都等

路種田人匠織染局

利用監 資用庫 怯冷口皮局人匠提舉司 大

都襍造 雙線局 熟皮局 店皮局 貂鼠局

大都軟皮局

章佩監 御帶庫 異珍庫

典瑞監

大都留守司 兼少府監 修內司 大木局 小木

局 泥瓦局 粧釘局 銅局 車局 繩局

祇應局 画局 油漆局 器備局 器物局

鐵局 儀鸞局 大都人匠提舉司 犀象牙局

雕牙局 雕木局 採石局 木場局 上林

局 大都門尉

將作院 諸路金玉人匠總管府 玉局提舉司

瑪瑙局 提舉司 石局 金絲子局 大小雕木

等局 鞞帶斜皮局 璫玉局 画局 温犀玳  
瑁局 漆紗冠冕局 珠子局 異樣等局總管  
府 異樣紋繡兩局 綾錦織染兩局 金絲顏  
料總庫 尚衣局 御衣局  
泉府司 富藏庫  
侍儀司 法物庫  
武備寺 壽武庫 利器庫 甲匠提舉司 箭局  
弦局  
都水監 大都河道提舉司

尚乘寺 諸路襟造總管府 諸路旋匠提舉司  
經簾局 資乘庫  
太僕寺  
太史院  
司天臺  
回回司天臺  
太醫院 御藥局 御藥院 回回藥物院 回回  
藥物局 大都惠民司 廣惠司  
崇福司

拱衛直都指揮使司 儀從司

大司徒領異樣金玉人匠總管府 塑局 出鐵局

銀局 銅局 鑄馮等銅局 唐像画局 梵

像局 襍造提舉司 鑄鐵局 玉局 諸物庫

字可孫

儀鳳司 安和署

京畿都漕運使司 萬斯南倉 萬斯北倉 千斯

倉 相因倉 豐潤倉 通濟倉 廣貯倉 永

平倉 永濟倉 惟億倉 盈衍倉 大積倉

豐寔倉 廣衍倉 順濟倉

大都等路都轉運鹽使司 大都稅課提舉司

大都南北兩兵馬都指揮使司 北兵馬司

內史府

省架閣庫 左右部架閣庫 長信寺

天曆初建奎章閣于西宮興聖殿之西廊為屋三間高

明敞爽南間以藏物中間諸官入直所北間南向設御

座左右列珍玩命群玉內史掌之閣官署街初名奎章

閣階正三品隸東宮屬官後文宗復位乃陞為奎章閣

學士院階正二品置大學士五員並知經筵事侍書學士二員承制學士二員供奉學士二員並兼經筵官幕職置參書二員典籤二員並兼經筵參贊官照磨一員內掾四名內二名兼檢討宣使四名知印二名譯史二名典書四名屬官則有群玉內史階正三品置監群玉內司一員司尉一員亞尉一員僉司二員典簿一員令史二名典吏二名司鑰二名司膳四名給使八名專掌秘玩古物藝文監階正三品置太監兼檢校書籍事二員少監同檢校書籍事二員監丞參檢校書籍事二員或有兼經筵官者典簿一

員照磨一員令史四名典吏二名專掌書籍鑿書博士司階正五品置博士兼經筵參贊官二員書吏一名專一鑿辨書畫授經郎階正七品置授經郎兼經筵譯文官二員專一訓教怯薛官大臣子孫藝林庫階從六品置提點一員副使一員司吏二名庫子一名專一收貯書籍廣成局階從七品置大使一員副使一員直長二員司吏二名專一印行祖宗聖訓及國制等書特恩敕製象齒小牌五十上書奎章閣三字一面篆字一面蒙古字與畏吾兒字分散各官懸佩出入宮門無禁學士

院凡與諸司往復惟劄送參書廳行移而已命侍讀學士虞集撰記御書刻石閣中今上皇帝改奎章曰宣文其記曰大統既正海內定一乃稽古右文崇德樂道以天曆二年三月作奎章之閣燕間之居將以淵潛遐思緝熙典學乃置學士負俾頌乎祖宗之成訓毋忘乎創業之艱難而守成之不易也又俾陳夫內聖外王之道興亾得失之故而以自警焉其為閣也因便殿之西廡釋高明而有容不加飾乎采斲不重勞乎土木不過啟乎戶牖以順清燠樹度閣以棲圖書而已至于器玩之

陳非古制作中法度者不得在列其為跬步戶庭之間而清嚴邃密非有朝會祀享時巡之事幾無一日不御于斯于是宰輔有所奏請宥密有所圖回爭臣有所繩糾侍從有所獻替以次入對從容密勿蓋終日焉而蔽色狗馬不軌不物者無因而至前矣自古聖明睿知善于怡心養神培本浚源泛應萬變而不窮者未有易于此者也蓋聞天有恒運日月之行不息矣地有恒勢水土之載不匱矣人君有恒居則天地民物有所係屬而不易矣居是閣也靜焉而天為一動焉而天弗遠庶乎

有道之福以保我子孫黎民于無窮哉至順辛未孟春  
二日記

歷代帝王宅京記卷之十九終

歷代帝王宅京記卷之二十

崑山顧炎武寧人氏錄

遼陽

遼

遼史地理志曰東京遼陽府本朝鮮之地周武王釋箕  
子囚去之朝鮮因以封之傳四十餘世燕屬真番朝鮮  
始置吏築障秦屬遼東外徼漢初燕人滿王故空地武  
帝元封三年定朝鮮為真番臨屯樂浪玄菟四郡後漢  
出入青幽二州遼東玄菟二郡沿革不常漢末為公孫

度所據傳子康孫淵自稱燕王建元紹漢魏滅之晉隋  
高麗後歸慕容垂子寶以句麗王安為平州牧居之元  
魏太武遣使至其所居平壤城唐太宗平高麗於此置  
安東都護府後為渤海大氏所有大氏始保挹婁之東  
牟山武后萬歲通天中為契丹盡忠所逼有乞乞仲象  
者度遼水自固武后封為震國公傳子祚榮建都邑自  
稱震王併吞海北地方五千里兵數十萬中宗賜所都  
曰忽汗州封渤海郡王十有二世至曷震借號改元擬  
建宮闕有五京十五府六十二州為遼東盛國忽汗州

即故平壤城也號中京顯德府太祖建國攻渤海拔忽  
汗城俘其王大諲譔以為東丹王國立太子圖欲為人  
皇王以主之神冊四年葺遼陽故城以渤海漢戶建東  
平郡為防禦州天顯三年遷東丹國民居之升為南京  
城名天福高三丈有樓櫓幅員三十里八門東曰迎陽  
東南曰韶陽南曰龍原西南曰顯德西曰大順西北曰  
大遼北曰懷遠東北曰安遠宮城在東北隅高三丈具  
敵樓南為三門壯以樓觀四隅有角樓相去各二里宮  
墻北有讓國皇帝御容殿大內建二殿不置宮嬪唯以



內省使副判官守之大東丹國新建南京碑銘在宮門  
之南外城謂之漢城分南北市中為看樓晨集南市夕  
集北市街西有金德寺大悲寺駙馬寺鐵幡竿在馬趙  
頭陀寺留守衙戶部司軍巡院歸化營軍千餘人河朔  
亡命皆籍于此東至北烏魯虎克四百里南至海邊鐵  
山四百六十里北至挹婁縣范河二百七十里東西南  
三面抱海遼河出東北山口為范河西南流為大口入  
于海東梁河自東山西流與渾河合為小口會遼河入  
于海又名太子河亦曰大梁水渾河在東梁范河之間

沙河出東南山西北流徑蓋州入于海有蒲河清河俱  
河亦曰泥河又曰蘄芊溧水多蘄芊之草駐蹕山唐太  
宗征高麗駐蹕其巔數日勒石紀功焉俗稱手山山巔  
平石之上有掌指之狀泉出其中取之不竭又有明王  
山白石山亦曰橫山天顯十三年改南京為東京府曰  
遼陽

金

金史地理志曰皇統四年二月立東京新宮寢殿曰保  
寧宴殿曰嘉惠前後正門曰天華曰乾貞七月建宗廟

有孝寧宮七年建御容殿置留守司

大定

遼

遼史地理志曰中京大定府虞為營州夏屬冀州周在幽州之分秦郡天下是為遼西漢為新安平縣漢末步奚居之幅員千里多大山深谷阻險足以自固魏武北征縱兵大戰降者二十餘萬去之松漠其後拓跋氏乘遼建牙于此當饒樂河水之南溫渝河水之北唐太宗伐高麗駐蹕于此部帥蘇支文從征有功奚長可度率眾

內附為置饒樂都督府咸通以後契丹始大奚族不敢復抗太祖建國舉族臣屬聖宗嘗過七金山土河之濱南望雲氣有郭郭樓闕之狀因議建都擇良工于燕薊宮掖樓閣府庫市肆廊廡擬神都之制統和二十四年五帳院進故奚王牙帳地二十五年城之寔以漢戶號曰中京府曰大定皇城中有祖廟景宗承天皇后御容殿城池湫濕多鑿井泄之人以為便大同驛以待宋使朝天館待新羅使來賓館待夏使有七金山馬盂山雙山松山土河山

聖宗紀曰統和二十七年夏四月丙戌朔駐蹕中京營  
建宮室

宋王曾上契丹事曰出燕京北門至望京館五十里至  
順城七十里至檀州漸入山五十里至金溝館將至館  
川原平曠謂之金溝淀自此入山詰曲登陟無復里堠  
但以馬行記日約其里數九十里至古北口兩旁峻崕  
僅容車軌又度德勝嶺盤道數層俗名思鄉嶺八十里  
至新館過雕窠嶺偏槍嶺四十里至如來館過烏灤河  
東有灤州又過黑斗嶺度雲嶺芥菜嶺七十里至柳河

館又過松亭嶺甚險峻七十里至打造部落東南行五  
十里至牛山館八十里至鹿兒峽館過蝦蟆嶺九十里  
至鐵漿館過石子嶺自此漸出山七十里至富谷館八  
十里至通天館二十里至中京大定府城垣卑小方員  
纒四里許門但重屋無築堵之制南門曰朱夏門內通  
步廊多坊門又有市樓四曰天方大衢通闡望闕次至  
大同館其門正北曰陽德閭闔城西內西南隅岡上有  
寺城南有園圃宴射之所自古北口居人草庵板屋耕  
種但無桑柘所種皆從壠上虞吹沙所擁山中長松鬱

然深谷中時見畜牧牛馬橐駝多青藍黃豕

金

金史地理志曰大定府遼統和二十五年建為中京國  
初因稱之海陵貞元元年更為北京置留守司都轉運  
使警巡院

會寧

金

金史地理志曰上京路即海古之地金之舊土也國言  
金曰按出虎以按出虎水源于此故名金源建國之號

蓋取諸此國初稱為內地天眷元年號上京海陵貞元  
元年遷都于燕削上京之號止稱會寧府稱為國中者  
以遠制論大定十三年七月復為上京其山有長青白  
嶺馬紀嶺完都魯水有按出虎水混同江來流河宋瓦  
江鴨子河

其宮室有乾元殿天會三年建天眷元年更名皇極殿  
慶元宮天會十三年建殿曰宸居門曰景暉天眷元年  
安太祖以下御容為原廟

朝殿天眷元年建殿曰敷德門曰延光寢殿曰宵衣書

殿曰稽古又有明德明德殿熙宗嘗享太宗御容于此  
太后所居也

涼殿皇統二年構門曰延福樓曰五雲殿曰重明東廡  
南殿曰東華次曰廣仁西廡南殿曰西清次曰明義重  
明後東殿曰龍壽西殿曰奎文時令殿及其門曰奉元  
有泰和殿有武德殿有薰風殿

其行宮有天開殿文刺春水之地也有混同江行宮

太廟社稷皇統三年建正隆二年毀

原廟天眷元年以春亭名天元殿安太祖太宗徽宗及

諸后御容春亭者太祖所嘗御之所也天眷二年作原  
廟皇統七年改原廟乾元殿曰世德正隆二年毀大定  
五年復建太祖廟

興聖宮德宗所居也天德元年名之興德宮後更名永  
祚宮睿宗所居也光興宮世宗所居也正隆二年命吏  
部郎中蕭彥良盡毀宮殿宗廟諸大族邸第及儲慶寺  
夷其址耕墾之大定二十一年復修宮殿建城隍廟二  
十三年以甃束其城有皇武殿擊球校射之所也有雲  
錦亭有臨漪亭為龍鷹之所在按出虎水側

大金國志曰女真之初無城郭國主嘗浴于河牧于野  
屋舍車馬衣服飲食之類與其下無異國主所獨享者  
惟一殿名曰乾元所居四外栽柳以作禁園而已其殿  
宇遠壁畫置火炕平居無事則鎖之或時開鑰則與臣  
下坐于炕后妃躬侍飲食

又曰國初無城郭星散而居呼曰皇帝寨國相寨太子  
莊後升皇帝寨曰會寧府建為上京城邑宮室無異于  
中原州縣解宇制度極草創居民往來車馬襍還自前  
朝門直抵後朝門盡為往來出入之路略無禁制每孟

春擊土牛父老士庶無長幼皆聚觀于殿側民有訟未  
決者多邀駕以訴至熙宗始有內庭之禁

又曰皇統六年春三月上以上京會寧府內太狹緣如  
郡制遂役五路工匠撤而新之規模雖倣汴京然僅得  
十之二三而已

許亢宗行程錄曰宋著作即以宣和六年使金賀太宗即位自雄州至上京

會寧府二千七百五十里自雄州六十里至新城縣六  
十里至涿州六十里至良鄉縣六十里至燕山府八十  
里至潞縣七十里至三河縣六十里至薊州七十

玉田縣九十里至韓城鎮五十里至北界清州余於野  
九十里至灤州四十里至望都縣六十里至營州一百  
里至潤州八十里至遷州九十里至習州九十里至來  
州八十里至海雲寺一百里至紅花務九十里至綿州  
八十里至劉家莊一百里至顯州九十里至兔兒渦六  
十里至梁魚務一百三里至沒咄寨八十里至瀋州七  
十里至興州九十里至咸州九十里至同州三十里至  
信州九十里至蒲里亭董寨四十里至黃龍府六十里  
至托撒亭董寨九十里至漫七離亭董寨一百里至和

里閑寨九十里至句孤亭董寨七十里至達河寨四十  
里至蒲捷寨五十里至館館去北庭十里一望平原曠  
野間有居民千餘家近闕北有阜圍繞三數頃高丈餘  
云皇城也山棚之左曰桃源洞右曰紫微洞中作大牌  
曰翠微宮高五七丈建殿七柱甚壯榜額曰乾元殿階  
高四尺土壇方濶數丈名曰龍墀

雲麓漫抄曰燕京東行六十里至潞縣九十里至三河  
縣七十里至薊州八十里至永濟務九十里至七箇嶺  
九十里至平州八十里至新安縣六十里至潤州

皆沿海行四十里至遷州八十里至萊州八十里至新城  
州八十里至淘河島八十里至胡家務八十里至新城  
八十里至梯己寨六十里至倉官寨三十里至廣寧府  
三十里至顯州五里至東館八十里至兔兒塢八十里  
至梁虞務六十里至遼河大口平津館七十三里至廣  
州廣平館復望北行七十里至瀋州樂郊館八十里至  
興州興平館五十里至銀銅館九十里至咸州咸平館  
三十里至宿州宿寧館八十里至賈道鋪懷方館四十  
里至楊八寨通遠館五十里至合叔字董寨同風館三

十六里至義和館五十里至如歸館四十里至信州彰  
信館七十里至勝州來德館五十里至山寺鋪會館五  
十里至威州威德館五十里至龍驤館六十里至詳州  
常年館六十里至濱州混同館六十里至高平館四十  
里至同流館五十里至沒搭合字董菜同館七十里至  
烏龍館三十里至虜寨號御御寨今之使虜者止至燕  
未有至烏龍館者

于慎行曰上京會寧府即今三萬衛也

開平



元

元史地理志曰上都路唐為奚契丹地金平契丹置  
州元初為扎剌兒部兀魯

王營幕地憲宗五年命世祖居其地為巨鎮明年世祖  
命劉秉忠相宅于恒州東灤水北之龍岡中統元年為  
開平府四年以闕庭所在加號上都歲一幸焉至元二  
年置留守司五年升上都路總管府十八年升上都留  
守司兼行本路總管府事

元史陳祖仁傳曰至正二十年五月帝欲修上都宮闕